

書經集句文藁續編誤本



同治己巳新鐫

書經集句箋續編異本

賜禮堂藏板



原刻續編序

余出仕江南自壬辰迄癸卯充鄉試分校洵海得書無幾餘
 人丹徒戴澗鄰繁其一也憶余癸卯科入鄉闈總計前後所
 取時藝固多名篇經藝亦不乏佳構然其體裁初未有集經
 句爲文者二場得澗鄰卷五經經藝皆以各經成語詰題而
 書經文純集書句不增一字尤爲闡中僅見之作呈薦兩主
 司歎賞不置夫此豈倉猝而能爲之哉澗鄰之於經必融會
 貫通其本經術以爲文章也必專且久矣今春郵寄所爲集
 書經稿時藝詩賦外復得經藝數十首鋪觀所作皆巧思綺
 合渾然天成余閱之益喜再三復之不厭如初得澗鄰卷時
 因誌數言於卷首以爲世之讀書續學者勸焉

道光己酉春三月朱恭壽序

序

一



夫博文此泉黃白不律一不不武國中...
 出山自王景...
 恩...
 ...

自序

余舊有書經集句文賦稿之刻自道光戊申己酉開雕後風行各省士林中咸以先觀爲快乃因疊遭兵燹舊板全行遺失同治三年檄調赴浙因原刻各稿卷帙繁多重付梓人多價鉅同鄉李兩人楊羨門兩先生代爲刪訂重加評選舊刊書經文續稿百篇未經付梓茲緣浙省同寅及諸士子向余索取行篋中僅存一二余無以應特將原稿錄呈薛慰農同年重加刪選刊入集中以公同好有志之士尙其匡予不逮焉是爲序

同治八年春戴槃識於溫州府署之節儉正直齋

序

二

書經集句文稿續編選本

全椒薛時雨慰農評選

丹徒戴槃澗鄰氏著

上卷散體文

欽哉欽哉

二句

食哉惟時

一句

敬敷五教

一句

嘉言罔攸

二句

知人則哲

二句

帝光天之

二句

敷納以言

三句

庶事康哉

一句

六府孔修

一句

祗台德先

二句

佑賢輔德

二句

惟皇上帝

四句

書經集句文稿

續編選本目錄

一

若農服田

二句

惟天聰明

四句

監于先王

二句

恭作肅從

五句

歛時五福

二句

百穀用成

四句

九五福一

二句

不役耳目

二句

宅心知訓

一句

罔以側言

一句

克知三有

二句

以觀文王

二句

夏商官倍

二句

爾尚式時

三句

斯謀斯猷

二句

有容德乃

二句

公其惟時

二句

下卷整體文

百姓昭明

二句

后克艱厥

二句

德惟善政

二句

克勤於邦

二句

慎厥身修

一句

天工人其

一句

烝民乃粒

二句

東漸于海

三句

聲教訖于

一句

德懋懋官

二句

以義制事

三句

賁若草木

二句

奉先思孝

二句

終始惟一

二句

惟天聰明

四句

建官惟賢

二句

次六曰又

一句

是彝是訓

二句

作周恭先

一句

文王卑服

二句

書經集句文稿

續編選本目錄

二

敬爾有官

四句

原刻一百篇今選五十篇

聖心欲以無刑爲治。於欽恤見之矣。夫厥后自聖明。慎用刑。欽焉恤焉。曷嘗有自恃之心哉。且爲人上者。恤功于民。僉曰。折民惟刑。其刑上備。凡民自得罪。罰及身。罔不畏敬。明乃罰。侗瘝乃身。念茲在茲。惟帝時克。今天相民作配。在下其刑。其罰其審。克之士制百姓于刑。既底法。狃于姦宄。則有大刑。陳時臬事。則有常刑。天子惟君萬邦。一日二日。萬幾用其刑。不叩自恤。凡有官君子。有德惟刑。欽乃攸司。不亦曰。惟君惟長。無恙于恤哉。帝曰。上刑下刑。輕重諸罰。有權惟齊。非齊有倫。有要爾臣庶。用奉恤厥若。我不敢曰。刑人殺人。惟我一人弗

書經集句文稿

續編選本上卷

一

恤人有罪。既道極厥辜。罔不盡傷心。予一人猷同心。視百姓如傷。欽哉欽哉。明明在下。穆穆在上。上下勤恤。乃明于刑之中。在後之人。依勢作威。倚法以削。民弗用靈。制以刑。惟威惟虐。播刑之迪。不恤我衆。惟曰。民自速辜。哲人惟刑。監于茲祥。刑若罔聞。知作虐刑。而曰法。其終出於不祥。時謂弗欽。威若時威。克厥愛罔。愛于民。爲天下君。度作刑以詰四方。知恤鮮哉。惟皇帝清問下民。哀矜庶戮。永敬大恤。罔有不欽。欽念以忱。何敬非刑。設中于心。帝其念哉。其在正事之臣。敬爾有官。簡恤爾都。以奉一人。亦惟分猷。念以相從。分職率屬。受嘉師。惟臣欽若。帝不敢動用非罰。臣亦不敢動用非德。厥後。民協

于中辟以止辟。刑期無刑。好生之德。洽于民心。凡厥庶民。罔不秉德。明恤四方。風動俾從。欲以治乃罔不休。無疆惟休。亦無疆惟恤。嗚呼。曷其奈何。弗敬敬五刑。以成三德。一人有慶。兆民賴之。帝曰。欽哉。

飛行絕迹於題中數虛字神理不爽一絲而立義之精使筆之峭入木三分去天尺五



書經集句文稿

續編選本上卷

二

筆之峭入木三分去天尺五

飛行絕迹於題中數虛字神理不爽一絲而立義之精使

筆之峭入木三分去天尺五

飛行絕迹於題中數虛字神理不爽一絲而立義之精使

筆之峭入木三分去天尺五

不違農時。穀不可勝食也。夫食爲民天。旣富方穀。農夫克敏。毋或失時。作牧者其念之哉。若曰。臣克艱厥臣。惟克勤。乃事百工。惟時不違。暇食。今爾作牧。政在養民。惟厚生。毋謂惰農。自安。弗肯播矧。肯穫。惟時。惟幾。胥克用勸。永底烝民之生。夫農用入政。一曰食。當夫洪水滔滔。未奏庶艱。食鮮。食雖農夫不敢自暇自逸。允罔功。在今三壤。則艱鮮奏。凡厥庶民。旣勤。數蓄。惟其陳修。爲厥疆畷。曷敢不終朕畝。君子所其無逸。卽康功。田功不敢荒。亦惟曰動。惟厥時。或曰農植嘉穀。時地利。厥田惟上上。厥賦中下。厥田惟中中。厥賦惟上上。錯。厥田惟書經集句文稿。續編選本上卷。三。下下。厥賦下上上。錯土爰稼穡。罔弗視地。然小人勤勞稼穡。無怠無荒。鮮不本于天時。永力爾田。其乃有濟。稼穡作甘。時哉不可失。爲人上者。乃逸。乃諺。不知稼穡之艱難。不聞小人之勞。惟耽樂之從。農服田畝。若不在時。越其罔有黍稷。不有康食。汝萬民乃不生。生爾其戒哉。不作無益。害有益。民乃足。殷春殷秋。有冬有夏。率作興事。罔不由慰。日勤烝民。乃粒。時則勿有間之。我聞惟口。歲時旣易。百穀不成。我聞亦惟曰。歲時無易。百穀用成。曰肅。時雨若曰。又時暘。若曰。哲。時燠。若曰。謀。時寒。若曰。聖。時風。若曰。五者來備。各以其敘。曰。時農降播。種協。時月。則罔所愆。天從民欲。人其可不撫于時。在昔帝堯。命

義和敬授人時。平秩東作。平秩西成。既底法。汝亦罔不克敬。典乃由裕民。我民罔違。農力穡。乃亦有秋。秋大熟。納總納銓。納米納粟。無不多。爾時罔敢易法。其克有勳。兆民阜成。惟爾之能。汝其明聽。予言引恬引養。無荒失朕命。

波瀾富有杼軸。隨心立局。運意極爲開展。動宕。

書經集句文稿

續編選本上卷

四



... 既底法。汝亦罔不克敬。典乃由裕民。我民罔違。農力穡。乃亦有秋。秋大熟。納總納銓。納米納粟。無不多。爾時罔敢易法。其克有勳。兆民阜成。惟爾之能。汝其明聽。予言引恬引養。無荒失朕命。

敬敷五教在寬

戴槃

敷教在寬。不可不敬也。夫教以人倫。布命于下。在寬。敬爾有官。惟時懋哉。帝若曰。今日者。肇修人紀。汝亦罔不克敬典。乃由裕民。如或爾不克敬。罔丕惟進之恭。洪舒于民。而欲百姓昭明。率由典常。亦大惟艱。百姓不親。五品不遜。今予命汝作司徒。擾兆民。夫下民降衷。若有恒性。惟天陰騭。相協厥居。我知其彝。倫攸敘。乃有不吉。不迪。狎侮。五常。習與性成。因物有遷。茲迪彝教。惟曰。率乂于民。棊彝。予其懋簡。相爾念敬。我衆允若。茲爾身克正。日嚴祇敬。宏敷五典。惟時其教。告之天敘。有典。敕我五典。五惇哉。予昔者徵庸在位。慎徽五典。五典克書。經集句文稿。續編選本上卷。五。

從凡厥庶民。罔不率俾。予不敢動用非德。今命爾子翼。率屬以倡。重民五教。其爾典常。作之師。威克厥愛。允罔功。愛克厥威。允濟。或曰。戒之用休。董之用威。爲人上者。祇祇威威。惟民其畢棄咎。然爾心未愛。依勢作威。不寬綽厥心。民則違怨。爾其戒哉。無作怨。勿倚法以削。莫麗陳教。則肆肆不違。厥民用勸。式化厥訓。胥教誨。其有弗化于汝。訓姑。惟教之母。曰。不用我教。辭惟我一人。弗恤。敬用事寬。而栗有容德。乃大我聞。惟曰。綏爰有衆。馭衆以寬。永康兆民。撫民以寬。除其邪虐。代虐以寬。矧今民罔迪。不適正色。率下罔不祇師。言舊染汚俗。咸與惟新。爽惟民迪。吉康。揆文教。翁受敷施。用威和萬民。寬而

嘉言陳而賢人至。惟盡其克艱之實也。夫嘉言期於罔伏而賢人不可有遺也。乃君臣既思其艱矣。有不收其效哉。且一人作猷。咸聽朕命。凡有官君子。各恭爾事。然言惟作命。未受人之微言。無曠庶官。而俊又未列于位。其何以師汝昌言。佑賢輔德哉。后克艱厥后。臣克艱厥臣。在上在下。莫或不艱。綏猷惟后。其知于茲。正事惟臣。其監于茲。率作興事。有不不應。僭志者乎。如或爲人上者。不知艱難。其有嘉謀嘉猷。不入告于后。人有言罔攸聞。凡厥正人。乃遜于荒野。人之彥聖。尙皆隱哉。君臣咸若時。我不敢知。曰一話一言。遂陳于上。我亦不

書經集句文稿

續編選本上卷

七

敢。知曰三宅三俊。悉至于庭。惟不若是。人有猷。有爲。有守。敷奏以言。惟口出好不同。無稽之言。辭尙體要。非截截善。諛言言可底。績言可底。行小大謀猷。罔不率從。從人之言。人亦從己之欲。爾有善弗敢蔽。無或伏人之攸箴。名言在茲。出入自爾。師虞有倫。有要。不匿厥指。其惟吉士。嘉言孔彰。咸拜手稽首。曰敢敬告天子王矣。欽哉。欽哉。有言遜于志。斯謀斯猷。若汝子嘉。惟其賢。夫分職率屬。建官惟賢。邇安遠格。所寶惟賢。良臣惟聖。惟后非賢。不又惟賢。非后不食。推賢讓能。其惟克用。常人俊。又在官。迪簡在庭。有服在大僚。爾四方多士。咸奔走用附大邑。以近天子之光。又何煩審厥象。俾旁求于天下。

側陋明揚壽考無遺無復有君子在野或曰四岳十二牧庶
明勵翼左右惟人無庸兼于庶言然濟濟有衆乃良于言升
聞于上亦克用乂又曰惟茲臣庶實繁有徒至于郊野豈無
十夫民獻然黎獻其惟帝臣用勸相我國家罔曰耄遜于荒
有一于此言足聽聞嘉乃德厥類惟彰爾衆士永弼乃后自
靖自獻賢人之心非君作恭先臣作孚先而能若是乎念之
哉居上克明爲下克忠思宏濟于艱難亦職有利哉

前路反振全題中幅層遞而下節拍自然後幅畧作翻筆
正爲罔伏無遺數虛字著力便覺嵌空玲瓏

書經集句文稿

續編選本上卷

八

知人則哲能官人

戴槃

惟知人者能官人。爽邦由哲也。夫人期於知知。惟其哲也。如人非迪哲。則不克知矣。豈尙能無曠官哉。且天聰明而聖時憲。百官修輔。厥后惟明明。明作哲。惟克厥宅心。用人惟已。各恭爾事。凡厥正人。亦則以穆穆在乃位。嗚呼。是惟良顯哉。今夫立政立事。其惟克用常人。是信是使。亦惟圖任舊人。人之彥。聖人之有技。人之有能有爲。我不敢曰非知之艱。然光天之下。濟濟有衆。萬邦黎獻。其惟帝臣。舉能其官。其克灼知。厥若天子。惟君萬邦。知之曰明。哲明哲實作。則任官惟賢。才左右。惟人克知。灼見爲人上者。弗造哲吉。人罔擇若罔聞。知謀書經集句文稿續編選本上卷九

面用丕訓德。則乃宅人。茲乃三宅無義。民稱非其人。若時瘳厥官。不若茲居。上克明。末則惟成德之彥。迪知忱恂。予永念曰。惟其人。惟其官。惟其哲。惟其能。在昔帝堯。建官惟百。內有百揆。四岳外有州牧。侯伯乃命義和。欽若昊天。敬授人時。分命羲仲。宅嵎夷。申命羲叔。宅南交。分命和仲。宅西。申命和叔。宅朔方。殷春殷秋。正冬正夏。各以其敘。敬爾有官。允釐百工。罔非正人。有能奮庸。熙帝之載。迪簡在庭。命以位。惟乃知經德。秉哲。惟帝時克。亦越我后。格于文祖。陟帝位。建官位。事何擇。非人。稷播百穀。契敷五教。伯典禮。作秩宗。夙夜惟寅。夔典樂。教胄子。神人以和。龍作納言。夙夜出納朕命。君邁種德。簡

在帝心明于五刑予忝厥位亦命作司空厥後予宅百揆司空分職垂作共工益作朕虞凡我有官君子欽乃攸司僉曰濬哲文明惟我后之德夫后德惟臣不德惟臣惟治亂在庶官官不及私昵旁求俊彥其有能知爲天下君立政任人德懋懋官是崇是長是以爲大夫卿士亦曰惟明克允故頌放勳者曰欽明重華協于帝曰明目曰達聰其人有德惟哲人乃罔不知明試以功車服以庸六府三事允治萬世允賴惟時懋哉

講下提人字緊其次段翻疊處醒快出落處古峭三段就堯立論不失節旨四段就舜立論善補題義遂令眼前語

書經集句文稿

續編選本上卷

十

推陳出新末段照應完密

帝光天之下至于海隅蒼生

戴槃

觀帝光之所被。德化極于無外矣。夫海隅蒼生。皆覆冒乎天之下者也。帝光至於此焉。不亦極于無外乎。若曰。帝爲天下君。奄有四海。多方之民。咸聽一人作猷。厥猷克綏。以觀耿光。誕敷文德。西被東漸。朔南暨無遠弗届。侯明撻記。威克厥愛。頑讒欲並生哉。然生生自庸。非徒在庶頑讒說。方行天下。至于海表。濟濟有衆。實繁有徒。汝萬民乃罔不生。生民保厥居于海表。濟濟有衆。實繁有徒。汝萬民乃罔不生。生民保厥居。無有遠邇。咸思對揚光命。惟天生民。惟辟奉天。大動以威。不如施實德于民。帝念哉。德明惟明。若日月之照臨。光于四方。夫重華協于帝。濬哲文明。亦既迪惟前光。不亦有無窮之聞。書經集句文稿。續編選本上卷。土。

乎然而百揆。欽五典。從光未。被乎九有之師。協時月。同律度。光未被乎萬方。有衆爲人上者。視遠惟明。克明于德。然後昭升于上。敷聞在下。昔在帝堯。欽明文思。光被四表格于上下。帝德明光于上下。其乃有濟。允迪茲宣。重光時乃日新。其惟爾衆。克知灼見。敷大德于天下。不獨五百里侯服。五百里甸服。可念聽也。用昭明于天下。不獨五百里要服。五百里荒服。可以觀也。顯在厥世外。至薄海聽命者。欽念以忱。觀德者從。欲以治燮。和天下。至于蒼生。丕冒海隅。出日罔不率俾。夫布命于下。文命敷于四海。陳教莫麗。聲教訖於四海。帝德廣運。用彰厥善。豈惟曰四海之內。揆文教。樹風聲哉。海濱廣斥。凡

厥庶民。既宅于茲。能邇柔遠。胥匡以生。無使一夫不獲。其克
有勳。咸若時。遠人格用。附大邑。是訓是行。以近天子之光。至
于萬邦。黎民敏德。獻有十夫。丕應僊志。又豈待董之。以威耶。
行神如空。行氣如虹。點染光字。處尤見新穎。

書經集句文稿

續編選本上卷

三



敷納以言明庶以功車服以庸

戴槃

合觀言功以庸。用人惟己矣。夫敷納必以言。明庶必以功。車服必以庸。用人咸若時。惟良顯哉。禹曰。爲人上者。克用常人。其有嘉謀嘉猷。入告于內。高乃聽。凡爾衆懋。攸績。克成厥勳。其克灼知厥若。人之有技。選爾勞功。多有賞。我國家禮亦宜之。萬邦黎獻。其惟帝臣。惟帝時舉。夫舉能其官。厥命曷以其一。曰罔伏嘉言。其二曰與成厥功。其三曰有能奮庸。今天子惟君萬邦。左右惟人。考言詢事。不邇聲色。無以巧言罔失法度。勿聽無稽之言。其惟吉士。乃良于言。有言遜于志。斯謀斯猷。克左右昭事。厥辟尙明聽之哉。我聞惟曰。命作納言。夙

書經集句文稿

續編選本上卷

十三

夜納命。惟允。凡厥正人。充耳目之官。惟一人。翕受敷施。朝夕納誨。敷文命。敷文德。乃別播敷。受人之微言。不啻若自其口。出言足聽。聞人敷乃心。凡有官君子。小大謀猷。罔不率從。嘉言孔彰。達于上下。時乃功。思其艱。以圖其易。綏爰有衆。恤功于民。遺大投艱于身。以長我國。圖功攸終。穆穆在上。明明在下。我其試哉。明五刑。敷五教。播百穀。典三禮。各恭爾事。對揚天子之休命。庶土有正。庶官無曠。庶績其凝。三載考績。茲不忘大功。惟茲臣庶。能多才多藝。居上克明。惟明克允。允迪。茲懋乃德。嘉乃不績。崇德報功。疇若時庸。旌別淑慝。非惟曰表厥宅里。一人有慶。惟服食器用。懋官懋賞。人不易物。惟德其

物不賤用物以車乘大賚汝天命有德五服五章服美于人
不敢廢乃命夫隨山刊木予乘四載卽康功田功惟卑服克
儉克勤勉出乃力其惟諸臣百工自有庸哉先輅在前次輅
在前黼黻絺繡以五采彰施于五色作服惟時其大介賚爾
臣哉鄰哉人有言敷心腹腎腸成允成功爾衆庶勤相國家
凡有猷有爲有厚賞肇牽車明乃服非賚爾秬鬯一卣咸若
時小大之臣讓于德不敢不敬惟動不應帝其念哉
確切精工無不從卷軸醞釀而出足徵博古功深

事有由康。后克艱厥后也。夫事未易言康也。今既元首明而股肱良矣。庶事有不康哉。且爲人上者。慎乃在位。安汝止。惟幾惟康。夫兢兢業業。克勤于邦。庶官無曠。而庸庸祗祗。各恭爾事。庶績其凝。元首明而股肱良。不已克勤。乃事無忘哉。夫天子君萬邦。一日二日萬幾。惟慎厥事。凡我有官君子。宅乃事。掌邦治。掌邦教。掌邦禮。掌邦政。掌邦土。掌邦禁。惟事事。乃其有備。故一人有事於四方。小大謀猷。罔不率從。百執事之人。咸聽一人之作猷。在上在下。各齊乃位。亦曰惟無斁其康事。且夫爽惟民迪吉。康豈惟曰民事無輕哉。必將立定厥功。

書經集句文稿

續編選本上卷

五

有能俾乂。然後大勳。既集萬世。永賴九川。滌源水土。既平。卽康。功出功。烝民乃粒。百穀用成。家用平康。齊七政。欽四鄰。惟其康。又典三禮。敘九功。惟喜康共。而且萬方百姓。典聽朕教。永康兆民。草木鳥獸。上下咸若。以康四海。不亦百工允釐。萬邦無斁乎。而要非厥后自聖。明哲作則。允罔功。而要非二十二人。永弼乃后。民主罔與成厥功。允若茲。踐修厥猷。庶言同也。往敬用治。庶慎兼也。告爾祥刑。庶獄矜也。撫于五辰。庶徵用也。百官修輔。庶尹諧也。萬姓悅服。庶民從也。聲教訖于四海。庶邦冢君咸聽命也。干羽舞于兩階。庶士御事咸仰德也。簫韶奏夫九成。庶伯君子咸熙績也。方行天下。格爾衆庶。惟

茲臣庶莫不拜手稽首曰斯謀斯猷惟我后之德嗚呼百度
惟貞有能奮庸熙帝之載地平天成六府三事允治爲天下
君議事以制康濟小民庶政惟和功加于時厥惟艱哉人咸
若時惟良顯哉克成厥勳惟時懋哉無替厥服職有利哉欲
左右有民股肱惟人予未有知思日贊贊襄哉惟臣欽若惟
后綏猷一人有慶兆民賴之帝其念哉

搜巖剔穴錯采縷金

書經集句文稿

續編選本上卷

夫



此類限大惟宋鑄金

此類限大惟宋鑄金

此類限大惟宋鑄金

此類限大惟宋鑄金

此類限大惟宋鑄金

此類限大惟宋鑄金

此類限大惟宋鑄金

六府孔修

戴槃

府無不修。見禹治之盛也。夫六府未易言孔修也。修而曰孔。禹之治不亦盛哉。若稽古大禹克勤乃事。往敬用治。尙克修和有夏。其始在冀州。治梁及岐。太原旣修。其終同九州。地平天成。六府孔修。當禹之時。湯湯洪水。方割蕩蕩。懷山襄陵。鯀湮洪水。九載績用弗成。汨陳其五行。下民昏墊。未奏庶艱。食鮮食。百穀不成於此。而欲水火金木土穀惟修。厥惟艱哉。夫洪範九疇。初言五行。一曰水。二曰火。三曰金。四曰木。五曰土。又曰日月歲時無易。穀用成。今者四隩旣宅。四海會同。率乃攸行。五者來備。各以其敘。農殖嘉穀。降播種俾克胥匡。以生書經集句文稿。續編選本上卷。七。

治期于治。乃罔不修。且夫禹貢一書。所以言禹平水土也。導黑水。導弱水。導沅水。厥土黑墳。厥土赤埴。厥土青黎。厥土惟黃壤。厥土惟白壤。有水有土。書用識哉。至于厥貢。惟金三品。厥木惟喬。厥木惟條。惟金惟木。亦兼記之。若夫納總納銓。納秸穀。未明言而火炎炎。厥攸灼。言未有一于此。又何以云六府孔修哉。然而水土旣平。火金木與穀罔有不若。水曰潤。下而所謂潤。下作醜者。惟其陳修土爰稼穡。而所謂稼穡作甘者。惟其陳修他如火曰炎。上炎上作苦。木曰曲。直曲直作酸。金曰從。革從革作辛。亦無或不修。烝民乃粒。播時百穀。王播告之修。咸若時。亦職有利哉。夫德惟善政。政在養民。六府允

治交修不逮永底烝民之生時乃功惟敘勸之以歌俾勿壞
一人有績萬世永賴惟王子子孫孫永保民
空靈天矯生峭絕倫

書經集句文稽

續編選本上卷

式



夏王懋乃后德不距其所行也。夫德不可不敬也。禹先慎乎德焉。惟臣惟民豈尙距其所行乎。古有夏先后平水土。慎財賦。列爵分土。亦旣天下大定。其亦可自暇自逸。而無復修厥德乎。然而德明惟明王不敢後一人。元良萬邦作式。則皇自敬德。乃言曰。天佑下民。作之君。統百官。平百姓。正色率下身。克正罔敢弗正。惟后綏猷。惟臣欽若。惟民從乂。一人弗克于德。臣下罔攸稟令。爲人上者。曷其奈何。弗敬予。永念曰。懋乃德。祇厥身。亦厥君先敬勞。今予祇勤于德。艱難先知。庸庸祇祇罔不惟德之勤。作德心逸日休。台邁迹自身。惟時懋敬厥德。訓迪厥官。克庸祇德。告爾有衆。以教祇德。率屬以倡。罔弗祇師。言祇若茲。克恭上下。台作恭先。凡我有官君子。六服承德。惟爾克祇厥辟。今日者。亮采有邦。日嚴祇敬。六德羣公。旣皆聽命。然台康好逸豫。大弗克祇。小大之臣。無以率乃攸行。其始臣我多遜。而其終或違之。不達。惟允迪厥德。不矜不伐。以作孚先。臣爲上爲德罔不是孚。其惟爾多方士。歸于一德。祇服厥命。令出惟行。弗惟反。以公滅私。民其永懷。予臨兆民。不常厥德。凡厥庶民。不能順之于外。今惟治民。祇懼不敢怠荒。克勤克儉。旣先于民。我民罔尤違。無不若德。予其念敬我衆。式敷民德。永肩一心。嗚乎。師師百僚。罔不祇畏。濟濟有衆。

書經集句文稿

續編選本上卷

九

疇不祇若在上在下是訓是行咸仰朕德聽予一人之作猷
予兢兢業業亦行有德道積于厥躬思其艱以圖其易欽哉
欽哉祇承于帝明哲作則朕志先定天下曷敢有越厥志
見得到說得出題無剩義自賊一家言

書經集句文稿

續編選本上卷

三



佑賢輔德顯忠遂良

戴槃

歷言善善之道。王不敢後矣。夫賢德忠良。無有不善也。佑之輔之。顯之遂之。不亦能盡善善之道乎。且爲人上者。明哲實作。則克齊聖廣淵。惟賢后誕作。民主咸有一德。肇修人紀。爲下克忠。一人元良。用昭明于天下。越在侯甸。男衛邦。伯臣人。若時有其善。用彰厥善。在彼夏王。侮慢自賢。力行無度。弗克庸德。罔有悛心。焚炙忠良。乃敢動用非法。當是時。吉人爲善。厥類不彰。其在四方。億兆人離心離德。王惟戒茲。允茲克明。乃罔不休。其一曰佑賢。備此簡賢附勢。實繁有徒。凡厥正人。過佚不知。惟黜幽陟明。無遺賢。茲惟后矣。夫克慎厥猷。惟其

書經集句文稿

續編選本上卷

三

賢懋。乃攸績。惟其賢。凡友邦冢君。慎固封守。屏藩王室。以佑乃辟。爲天下君體。賢人之心。亦維純佑。其二曰輔德。有夏昏德。民墜塗炭。其人有德。爾罔念聞。今者德懋懋。官人之有能。有爲。其自時受王嘉師。嘉乃德。曰篤不忘。越小大邦。列爵分土。崇德報功。德惟一動罔不吉。百官修輔。厥后惟明明。今王位在德。元惟德是輔。其克有勳。其三曰顯忠。夫用成顯德。惟忠。惟孝。以公滅私。民其永懷。我王制官刑。儆于有位。曰敢有逆忠。直時謂亂風。邦君有一于身。掩爾善。是罔顯在厥世。惟表厥宅里。昭升于上。敷聞在下。臣自靖自獻。篤忠貞。彰厥有常。惟良顯哉。其四曰遂良。良臣惟聖。進厥良。以率其或不良。

不從厥志。王惟時其遂之。昔有夏剝喪元良。以敷虐于萬方。今王代虐以寬其惟。諸臣良于言。有嘉謀嘉猷。入告于后。是信。是使罔拂。人以從己之欲。股肱良哉。曷其奈何。弗遂允迪。茲所寶惟賢。克俊有德。咸懷忠良。無自廣以狹人。彰善癉惡。樹之風聲。邦其永孚于休。

落落寫來氣疏以達行雲流水文境似之

書經集句文稿

續編選本上卷

三

惟皇上帝降衷于下民若有恒性克綏厥猷惟后

戴槃

溯○民○性○之○原○於○天○知○民○德○之○正○於○后○也○夫○民○有○常○性○若○之○而○
已○得○其○恒○者○也○降○衷○者○帝○之○命○綏○猷○者○后○之○責○不○亦○永○言○保○
之○哉○且○天○佑○下○民○作○之○君○作○之○師○惟○其○克○相○上○帝○寵○綏○四○方○
爲○上○者○非○天○攸○若○非○民○攸○訓○時○人○不○則○有○愆○前○此○二○三○臣○之○
良○于○言○也○曰○惟○天○生○民○有○欲○今○者○予○告○爾○萬○方○有○衆○不○言○民○
之○所○欲○而○見○民○協○于○中○夫○惟○民○生○厚○因○物○有○遷○違○上○所○命○后○
克○聖○綏○爰○有○衆○時○乃○罔○不○變○允○升○于○大○猷○天○監○下○民○典○厥○義○
我○不○敢○知○曰○習○與○性○成○乃○罔○恒○獲○我○聞○人○之○爲○善○上○帝○引○逸○

書經集句文稿

續編選本上卷

三

惟○我○下○民○秉○爲○惟○天○明○畏○又○用○三○德○不○懼○于○咎○敬○用○五○事○罔○
有○不○臧○天○陰○隲○下○民○相○協○厥○居○彝○倫○攸○敘○其○惟○爾○衆○協○恭○和○
衷○惟○帝○大○降○明○命○茲○亦○惟○天○若○元○德○性○貴○有○恒○其○克○灼○知○厥○
若○且○夫○天○降○之○德○在○厥○初○生○自○時○厥○後○民○心○無○常○有○不○若○德○
天○惟○時○求○民○主○撫○綏○萬○方○惟○辟○奉○天○不○靈○承○帝○事○克○綏○受○茲○
命○率○乂○于○民○棗○彝○咸○協○于○極○居○上○克○明○茲○迪○彝○教○聽○一○人○之○
作○猷○夫○一○人○元○良○式○和○民○則○民○非○后○罔○克○胥○匡○以○生○皇○建○其○
有○極○克○慎○厥○猷○綏○厥○兆○民○惟○時○厥○民○于○汝○極○錫○汝○保○極○人○之○
有○能○有○爲○使○羞○其○行○彰○厥○有○常○茲○惟○后○矣○厥○后○自○聖○有○嘉○猷○
正○色○率○下○罔○不○祇○師○言○允○迪○茲○下○民○祇○若○休○恒○吉○無○曰○不○虞○

天性欽哉欽哉。亶聰明作元后。身克正。罔敢弗正。分猷相從。各設申于乃心。無有作好。遵王之道。無有作惡。遵王之路。凡厥庶民。無淫朋。惟皇作極。皇極之敷言。是彝是訓。于帝其訓。爲人上者。永綏民罔敢失帝。俾萬姓咸曰。斯謀斯猷。惟我后之德。

格老氣蒼語無泛設

書經集句文稿

續編選本上卷

三

若農服田力穡乃亦有秋

戴槃

喻衆者譬若農夫。力穡無不逢年也。夫服田力穡。農人所以慶大有也。盤庚告衆而又引及此。不誠罕譬而旨明哉。若曰。予一人丕承基緒。有邦有土。克勤乃事。無怠若穡。夫子曷敢不終朕畝。今遷于殷。非予棄基。亦慮民不奠厥居。無以承力爾田。不能胥匡以生。而爾衆乃不惕予一人。若此。若網若綱。有條不紊。汝不聽教。是亂先王之正刑也。昔我先祖成湯。俊民甸四方。既底法。不獨無亂紀綱。且克開于民之麗。民情可見。爰知小人之依。小人在野。卽田功不舍穡事。無怠無荒。歲則大熟。汝明聽哉。茲予其明農哉。我惟時教告之。其監于茲。

書經集句文稿

續編選本上卷

三五

夫農殖嘉穀。罔不生。生時地利。無論厥田。惟上中厥田。惟上下。往敬用治。時乃服。無論厥田。惟中上。厥田。惟中下。各迪有功。時乃服。無論厥田。惟下上。厥田。惟下中。無輕民事。時乃服。厥田。上上。厥田。中中。厥田。下下。井疆雖殊。凡厥農人。胥克用勸。若稽田。既勤敷蓄。惟其陳修爲厥疆畝。允若茲。生民保厥居。咸則三壤。降播種。播時百穀。勤勞稼穡。所其無逸。一乃力爾罔不勤。先知稼穡。無時豫怠。盡其力。爾罔不知。庶土交正。土爰稼穡。爾衆同力。有幹有年。于茲土。稼穡艱難。思其艱以圖。其易稼穡。作甘不作無。益害有益。人咸若時。亦職有利哉。予永念曰。肯播肯穫。不敢自暇自逸。成厥終。惟其始。農居四

民終始惟一乃有獲。其始則平秩東作。以殷仲春。其終則平秩西成。以殷仲秋。率作興事。屢省乃成。百穀用成。秋大熟。納總納銓。納秸納米。粟食哉。惟時民乃足。爾衆庶其明聽朕言。無荒失朕命。嗣爾股肱。訖自若是。庶幾宅爾宅。畷爾田。無敗於康好。逸豫不若茲。不暇田畝。不知力穡。荒怠弗敬。若惰農自安。越其罔有黍稷。

是題若貪寫呆詞便失題旨畧作翻筆易犯下文此作機法雙清虛實並到洵心靈手敏之作也

書經集句文稿

續編選本上卷

三

惟天聰明惟聖時憲惟臣欽若惟民從乂

戴槃

惟○辟○奉○天○。臣○下○化○之○矣○。蓋○聖○人○明○目○達○聰○。克○若○天○者○也○。欽○若○
從○乂○。臣○民○咸○若○時○。惟○良○顯○哉○。我○聞○在○昔○。天○錫○王○勇○智○。表○正○萬○
邦○。惟○天○生○聰○明○時○乂○。在○後○之○人○。亦○惟○曰○聰○明○齊○聖○。天○有○顯○道○。
厥○類○惟○彰○。爲○人○上○者○。克○典○神○天○。師○師○百○僚○。罔○有○弗○欽○。濟○濟○有○
衆○。罔○不○率○從○。后○克○聖○其○。建○無○窮○之○基○。聖○王○奉○若○天○道○。誠○以○王○
者○。惟○天○純○佑○。統○百○官○而○臨○兆○民○者○也○。稽○古○帝○王○。天○佑○於○一○德○。
誕○膺○多○福○。天○降○之○祥○。安○定○厥○邦○。天○降○之○威○。用○是○而○稽○天○若○克○
享○天○心○。永○保○天○命○。欽○崇○天○道○。睿○作○聖○不○敢○不○敬○。天○然○齊○聖○。廣○
書○經○集○句○文○稿○。續○編○選○本○上○卷○。三

淵○亶○聰○明○。作○元○后○。后○聰○明○自○天○。聰○明○其○在○諸○臣○。百○工○。凡○厥○庶○
民○。僉○曰○。聖○人○克○有○常○憲○。夫○穆○穆○在○上○。明○明○在○下○。慎○乃○憲○。垂○乃○
憲○。罔○弗○若○天○。視○自○我○。視○視○遠○。惟○明○。天○聽○自○我○。聽○聽○德○。惟○聰○。
明○。作○哲○。聰○作○謀○。競○競○業○業○。天○工○人○其○代○之○。天○若○元○德○。允○惟○正○
事○之○臣○。承○弼○厥○辟○。欽○哉○。惟○時○亮○天○功○。天○佑○下○民○。作○之○君○。天○矜○
於○民○。民○之○所○欲○。必○從○之○。百○姓○亦○從○已○之○欲○。惟○茲○臣○庶○。格○爾○衆○
庶○。丕○應○。僉○志○以○昭○。受○上○帝○。咸○若○時○。允○釐○百○工○。自○三○公○。經○邦○。六○
卿○分○職○。越○尹○氏○。庶○士○御○事○。疇○不○祇○若○王○之○命○。敬○爾○有○官○。亦○則○
以○穆○。穆○在○乃○位○。式○克○欽○承○。臣○欽○若○。下○民○罔○有○不○若○。會○其○有○極○。
歸○其○有○極○。庶○民○從○是○。之○謂○大○同○。從○作○乂○。四○方○風○動○。俾○予○從○欲○。

以治惟正是又之小大之臣多方之民既見聖胥克用勸賢
非后不食民非后罔事各設中於乃心咸聽一人之作猷鳴
乎一人元良百官修輔一人有慶兆民永懷臣爲上爲德欽
厥止若予上下民有猷有爲從厥好亦克用又羣臣咸曰帝
德廣運乃聖乃神罔不配天其澤萬姓咸曰聖有謨訓明徵
定保其以顧天之命元首明哉天壽平格凡我有官君子至
于海隅蒼生莫不拜手稽首而頌萬世無疆之休也

工力悉敵到底不懈

書經集句文稿

續編選本上卷

三

成憲克監。不忘自不愆也。夫先王成憲。所以爲後人之則效也。監于此焉。豈猶患其有愆乎。若曰。臣言學于古訓。乃有獲學務時敏。其稽古人之德。而敬明乃訓。又曰。用奉若于先王。王懋乃德。視乃烈祖。思免厥愆。惟永終是圖。肆其監于茲。昔先王建中于民。表正萬邦。惟精惟一。祇承于帝。慎厥終。惟其始。亦罔不克念典。明哲作則。先王之正刑謀猷。率從先王之。大業。克修厥身。先王之成德。顯在厥世。先王之成烈。惟天聰明。惟聖時憲。后克聖有典。有則以垂憲。乃後厥有成績。紀于太常。在後之人。不由古訓。以側言改厥度。作聰明亂舊章。屏

書經集句文稿

續編選本上卷

无

棄典刑。罔聽念于先王。勤家遇佚。前光在家。不知時人。丕則有愆。厥德靡常。乃時惟不永哉。王惟戒茲。乃罔不休。慎乃憲訓。其成式。惟由先正舊典。時式。今王嗣有令緒。尙監茲哉。先王克有常憲。肇修人紀。檢身若不及。垂裕後昆。其典常作之師。越至于今。率厥典。率厥常。王其可不。大監撫于時。是訓是行。率乃攸行。所謂道積厥躬者。不必求諸非道。而德修罔覺。亦無有慚德。克紹先烈。永不忘在王家。則罔所愆。或曰。古之謀人。各迪有功。今之人。罔失法度。別求聞由夏。先哲王。然遵王之道。不可不監于有夏。亦不可不監于有殷。惟殷先人有冊。有典。貽厥子孫。前人明德。用敷遺後人。休王。今者聰聽祖

考之彝訓自獻于先王率循大卞其德罔愆懋哉懋哉聖有
謨訓明徵定保思彝憲于乃后若茲監嗣守遺緒無亂先王
之正刑踐修厥猷紹復先王之大業用康乃心允協于先王
成德同底于道欽若夫先王成烈有爲有守惟懷永圖無煩
繩愆糾繆一人元良休于前政終有解于永世

忽擒忽縱忽斷忽連極緊峭亦極動宕極興會亦極古雅

恭作肅從作又明作哲聽作謀睿作聖 戴 槃

內外交致。五德之用明矣。蓋肅又哲謀聖。五德之用也。作而致之。不已。各適其用乎。且王者敘其彝倫。德裕乃身。其惟克用。用德彰厥善。祇肅肅。有能俾乂。經德秉哲。不廢厥謀。亦克由聖作德。心逸日休。王乃昭德之致。敬用五事。旣言其德。夫事事有備。不可不敬。罔非在中。而王惟德用。乃順之於外。不應俟志動。罔不吉。曰厥攸作。夫爲人上者。以禮制心。思自亂于威儀。罔不祇肅。肅將天威。肅將祇歡。昔之人不敢以逸豫滅厥德。嘉乃德。曰篤不忘。惟肅恭神人。嚴恭寅畏。正色率下。惟貌有稽。由是播告之修。往敬用治。其自時中。又立其紀。

書經集句文稿

續編選本上卷

三

綱。茲乃俾又罔失法度。亦克用又布命于下。有條不紊。惟正是又政。乃又罔不率從。從厥攸好。從欲以治。嘉言孔彰。昭乃辟之有又。若夫光被四表。克知灼見。天其命哲。舉能其官。知人則哲。踐修厥猷。爽邦由哲。天子惟君萬邦。知之曰明。哲明哲實作。則視遠惟明。文明乃能濬哲。敷求哲王。敷求哲人。厥后惟明明。至于克慎厥猷。勿用非謀。斯謀斯猷。惟我后之德。小大率從。其有能稽謀自天。古之謀人。罔有不臧。今之謀人。無敢不善。詢謀僉同。亦惟曰聽德。惟聽元后。亶聰遺大。投艱于身。何嘗蓄疑。敗謀哉。且夫統作肅作。又作哲作。謀之全。而乃聖乃神。則爲人之彥。聖我聞惟曰。惟聖罔念作狂。惟狂克

歛福以錫民。極之所建者宏矣。夫民之福。卽皇之福也。歛而錫之。極之所建不亦宏哉。且天錫九疇。將以敘其彝倫。俾萬姓克享天心。生生自庸焉。顧天道福善。佑下民。作之君爲人。士者明哲。作則式和民。則卽以天錫之洪範。以敷于萬方。百姓而一時庶物咸熙。動罔不吉。於以綿億萬世無疆之休。皇建其有極。極惟丕建。福乃有備。王者誕受多方。統百官。均四海。作萬夫之長。撫九有之師。一人受福。惠迪吉。是叢于厥身。不知降衷有恒。我后所以綏猷也。惟動不應下民。所以祇若也。澤不配天。而恩不逮在下。非所以撫綏萬方。平章百姓也。

書經集句文稿

續編選本上卷

三

於是天子乃登進厥民。曰朕誕作民主。以撫方夏。昭受上帝。申命用休。蓋欲與爾有衆。永膺多福也。久矣。今者四海之內。濟濟有衆。苟有一夫不獲。時子之辜。惟時五福。爾庶民其從與。享之承汝。俾汝惟喜。康其朕不敢有私。今夫數佑四方。惟天佑于一德。大降明命。作善降之百祥。達于上下。嚮用五福。我惟時其歛之。天敘有典。五典五惇哉。天勅有禮。五禮五庸哉。肇修人紀。重民五教。變和天下。咸建五長。法度罔失。不敢狎侮。五常小大率從罔不遜乎五品。念敬我衆。如敬用五事。允協于德。如協用五紀。庶幾哉。昭升于土。敷聞在下。今日耽樂亦職有利。古聖所以建無窮之基。亦有無窮之聞者。惟克

用此翁受敷施。曷其奈何。弗錫斯時也。降爾遐福。惟日不足。其惟爾衆。襲于休祥。罔有不悅。時雍於變。惟民其懋。和垂拱。仰成。惟民其康。又嚮。非天子釐上帝之耿命。道積于厥躬。靈承于旅。不克若茲。虞書言誕敷文德。商書言式敷民德。率厥典。咸若時。曩者土錫之姓。羣辟承德。不比惠于庶民。彼錫。真樞。錫。真。鑄。錯。又。奚。定。云。然後知發粟散財。不足以永綏民也。利用厚生。不足以永康民也。夫惟人君福裕乃身。陳于上。允協于下。吾見四方之民。室家相慶。咸拜手稽首。颺言曰。天生聰明。乃聖。乃神。立敬。惟長。立愛。惟親。往敷乃訓。澤潤生民。無有遠邇。懷于有仁。庸庸。祇祇。典常。作師。克堪用德。永世有辭。惟辟作書。經集。句。文。稿。續編。選本。上。卷。

書

長江大河。渾灑流轉。而因風成文。觸機爲狀。一往無非。妙諦知其浸淫于古史者深。

百穀用成又用明俊民用章家用平康 戴槃

天人交泰休徵可歷驗矣。蓋百穀成乎時。則又與俊既明且章。而家道正矣。不可卽無易以驗休徵乎。且天休滋至。達于上下。其惟克用農殖嘉穀。降播衆告厥成功。治期于治。有能俾又明明在下。四方之民俊。又在官用德彰厥善。克勤無怠。服勞于家。惟喜康共丕應。惟動動惟厥時。歲月時無易。天工人其代之。惟天聰明。惟聖時憲。惟臣欽若。克永觀省。以承天休。惟事事其有備。乃罔不休。其一曰播時百穀。六府孔修。終言土穀。土爰稼穡。稼穡作甘。農服田力。穡有幹。有年于茲。土屢省乃成。平秩西成。乃亦有秋。秋大熟食。哉惟時純其藝。

書經集句文稿

續編選本上卷

三

黍稷奏庶艱食。百里納總。二百里納銓。三百里納秸。四百里粟。五百里米。以庶民惟正之。供成賦中邦。允迪茲烝。民乃粒。萬邦作又。往敬用治。厥有成績。夫厥中允。執其自時中。又圖忱于正。惟正是又之政。乃又可以觀政德。明惟明顯在厥世。釐百工庶績咸熙。允茲克明。撫五辰庶績其凝。居上克明。穆穆迓衡。亦克用又。用昭明于天下。時哉不可失。其惟爾衆從欲以治。惟后綏猷。惟民從又。民可近。不可下。凡厥正人。列于庶民。灼見有俊。敬用五事。惟其賢。念用庶徵。惟其能。民生獨厚。厥類惟彰。我聞惟曰。用三有俊。克卽俊。又曰。旁招俊。又俊在厥服。迪簡在王庭。惟時惟幾。平章百姓。不掩爾善。君子在

野彰厥有常。惟良顯哉。夫側陋明揚。敷聞在下。人之有能有為。無弗使好。子而家身克正。同底于道。亦罔不能。厥家人慎。乃德克儉。于家保厥居。永建乃家。安厥僅綏。定厥家。平康正直。不獨見於乂。用三德。室家相慶。天平格。克明保享。庶事其康哉。爲人上者。平邦國。康四海。先始于家。家克勤。罔不及時。欽哉。欽哉。休恒吉。惟天降祥。王惟德用。丕克遠省。其可不撫于時。

關鍵靈紫篇中古雅之色雋傑之句溢於行閒

書經集句文稿

續編選本上卷

美

九五福一曰壽

戴槃

洪範紀五福之徵而首言夫壽焉。夫九疇不獨言福而五福不獨言壽也。然五福既列於九疇矣。不可先以壽徵其福乎。且天子惟君萬邦。一人受福。懷于有仁者。咸曰世世享德。常厥德。克明保享。惟以永年。身其康彊。子孫其逢吉。厥基永孚于休焉。次八之庶徵。既言其歲時無易。由是力穡有秋。萬民咸和不亦可垂拱仰成。而永世無窮乎。然疇陳洪範。錫之以九而彝倫攸敘。歛五福以錫庶民。則所云次九者。又曰錫之福五者來備。作福惟辟。休恒吉。天休滋至。命歷年彰。厥有常吉哉。其一曰壽。我聞在昔古之人罔不克壽。唐虞以前爲天書經集句文稿續編選本上卷 毛

下君者動稱萬有千歲。然上古天紀俶擾。言屬無稽。至堯命羲和授人時。以閏月定四時成歲。則罔所愆。帝乃引考堯在位七十載。不倦于勤。舜生三十徵庸。庸三十在位。五十陟。方天降年罔有不永。亦越我殷。昔在中宗。享國七十有五年。其在高宗。享國五十有九年。其在祖甲。享國三十有三年。天保又有殷。故殷禮陟配天。多歷年所。然則爲人上者。福叢于厥身。其先在天壽。平格乎。且夫一人有慶。非第云萬世有辭也。然而臣庶對揚天子休命。拜手稽首。颺言有曰。王承敘萬年。有曰。欲至于萬年。有曰。萬年厭于乃德。有曰。億萬年敬天之休。動以浮言。惟茲惟德。稱而五福之所謂壽者。無遺者。則不若

茲夫大君所其無逸格于皇天。天其申命用休。則有固命。天道福善。吉人爲善。罔有不臧。無侮老成人。黎民能保罔或不壽。番番良士。列于庶位。耆壽在厥服。惟臣惟民。人咸若時。穆在上。明明在下。永膺多福。無疆惟休。終有辭于永世。

精心獨出異采皆新中一段借証于殷於此處壽字尤爲切當不悖

書經集句文稿

續編選本上卷

三



林少傑出異采皆新中一段借証于殷於此處壽字尤爲切當不悖

壽番番良士列于庶位耆壽在厥服惟臣惟民人咸若時穆在上明明在下永膺多福無疆惟休終有辭于永世

道福善吉人爲善罔有不臧無侮老成人黎民能保罔或不壽番番良士列于庶位耆壽在厥服惟臣惟民人咸若時穆在上明明在下永膺多福無疆惟休終有辭于永世

茲夫大君所其無逸格于皇天天其申命用休則有固命天道福善吉人爲善罔有不臧無侮老成人黎民能保罔或不壽番番良士列于庶位耆壽在厥服惟臣惟民人咸若時穆在上明明在下永膺多福無疆惟休終有辭于永世

不役耳目百度惟貞

戴槃

欲不可縱。貞在於百度矣。夫聲色耳目之所欲。文爲百度之所見也。曰不役。曰惟貞。其訓于王者不亦切哉。且爲天下君兢兢業業。亦曰罔淫于樂。罔失法度。三風十愆。微子有位。一日萬幾。無欲有邦。康乃心。無有作好。既底法。惟正厥事。今天實聰明。作元后。聽德惟聰。視遠惟明。聰作謀。名言在耳。明目罔不克見。后克聖。無作聰明亂舊章。詳乃視聽。無冒貢于非幾。敢曰從厥攸好。如生民之有欲。至于立政立事。分職率屬。掌邦治。掌邦教。掌邦禮。掌邦典。人之有爲。分猷念以相從。各設中于乃心。爲人上者。考制度有典有則。無黨無偏。議事書經集句文稿續編選本上卷 堯

以制惟正。是久之其在商後王。酣歌于室。殉于貨色。生則逸。惟耽樂之從。縱淫佚于非彝。用燕喪威儀。目不觀古人之象。耳不聞六律五聲。八音在治。忽從己之欲。曰子攸好。當其時。亂其紀綱。力行無度。屏棄典刑。盤游無度。以辯言亂舊政。卿士師師非度。欲敗度。縱敗禮。以速戾于厥躬。元首叢脞哉。萬事墮哉。今王撫有萬邦。不邇聲色。其乃有濟。官充耳目。無以巧言令色。臣作耳目。無從匪彝。愆淫。欽乃攸司。無亂厥官。思日孜孜。不敢自暇自逸。去邪勿疑。由是亮采有邦。往敬用治。天命自度。小大謀猷。罔不率從。往省括于度。政惟由舊。以常舊服正法。度道無反側。罔以側言改厥度。事事有備。至于百

立心以敷訓已治而人亦治也。夫心不能宅已先不安訓不能知人何由教宅焉知焉斯已與人之道得耳。且爲天下君道積于厥躬訓迪厥官俾萬姓咸曰一哉王心又曰大哉王言今予告汝往敬用治謀及乃心綏爰有衆往敷乃訓既宅于茲其克灼知厥若汝今者在茲東土殷先哲王商考成人汝其念哉我聞在昔成湯受命克齊聖廣淵以禮制心時則有若伊尹咸有一德克享天心故敬明乃訓用奉若于王自時厥後太甲太戊至于武丁兢兢業業罔不同心其君習與性成罔有悛心伊尹乃訓于王其民咸大不宣乃心盤庚語

書經集句文稿

續編選本上卷

聖

民之弗率曰予告汝訓相古先民有殷在上在下惟既厥心時乃大訓我聞惟曰作德心逸日休作偽心勞日拙從己之欲因物有遷未戾厥心惟祇勤于德允洽于心無載爾僞格其非心人心惟危道心惟微惟精惟一允執厥中有言逆于心必求諸道相協厥居一心永肩則乃宅昔文王宅乃事宅乃牧宅乃準惟克厥宅心今欲設中于心克卽宅其自時中又我聞亦惟曰布命于下彰信兆民古之人胥訓告不訓于德是罔顯在厥世非民攸訓時人不則有愆凡厥庶民或譴張爲幻人乃訓之式時猷訓告爾多方告爾多士昔公巨惟時命有申允茲克明爾罔不知知之非艱播告之修不匿厥

指無弗化于訓。昔文王明大命于妹邦。曰我民迪小子。聰聽
彝訓。今民是行。是訓爲人上者。不揚光訓于何其訓。欽哉。欽
哉。惟聖罔念作狂。惟狂克念作聖。一人能念。惟幾惟康。安汝
止厥心。臧民心罔中。惟爾之中。一人作猷。惟期克邁。乃訓爾
有衆。明聽之哉。志先定。言作命。交修不逮。無舍己以從人。無
拂百姓以從己。作內作外。同底于道。以公滅私。寬綽厥心。四
方之民。式化厥訓。罔不用教。辭汝其敬。聽于言。無荒失朕命。
引湯引文。引周公。選詞立義。極得訓誥神理。

書經集句文稿

續編選本上卷

聖



指無弗化于訓。昔文王明大命于妹邦。曰我民迪小子。聰聽
彝訓。今民是行。是訓爲人上者。不揚光訓于何其訓。欽哉。欽
哉。惟聖罔念作狂。惟狂克念作聖。一人能念。惟幾惟康。安汝
止厥心。臧民心罔中。惟爾之中。一人作猷。惟期克邁。乃訓爾
有衆。明聽之哉。志先定。言作命。交修不逮。無舍己以從人。無
拂百姓以從己。作內作外。同底于道。以公滅私。寬綽厥心。四
方之民。式化厥訓。罔不用教。辭汝其敬。聽于言。無荒失朕命。
引湯引文。引周公。選詞立義。極得訓誥神理。

言不輕信。身可爲度矣。夫側言人所易惑者也。謹爾侯度。可不戒其徇人乎。且爲人上者。正百官。曰爾典常作之師。無以利口亂厥官。然敬爾有官。不使利口惟賢。而往省括度。惟期爾身克正。靜言庸違。不可信。正色率下。在設中于乃心。率自中。無作聰明。詳乃視聽。夫視曰明。聽曰聰。亦言曰從。稽古唐虞。允釐百工。詢事考言。聖讒說殄行。震驚朕師。侯以明之。撻以記之。臣作納言。夙夜出納朕命。當其時。羣后四朝。敷奏以言。去邪勿疑。勿聽無稽之言。帝德罔愆。惟精惟一。允執厥中。有典。有則。罔失法度。非惟曰聖有謨訓。乃言底可績。惟我有書。經集句文稿。續編選本上卷。

三

周小大之臣咸懷忠良。侍御僕從罔非正人。王言惟作命。發號施令。罔有不臧。文王克修和有夏。惟四人迪彝教。言惠可底。行武王訪于箕子。天錫九疇。箕子乃言有倫。有要。辭尚體要。王道正直。無反無側。不役耳目。百度惟貞。名言茲在。茲罔非在中。夫有言逆于汝心。必求諸道。有言遜于汝志。必求諸非道。人用側頗僻。惟截截善諂言。俾君子易辭。不從厥志。乃汝盡遜。則信之。則若時。必至亂其紀綱。協比讒言。迪上以非先王之典。凡有官胥。動以浮言。從人之言。非德之中。敗度敗禮。以速戾于厥躬。爾小子往。卽乃封其懋戒哉。無昵于儉人。無以巧言令色。便僻側媚。其有言足聽。聞入告于內。受人之

克知三有宅心灼見三有俊心

戴槃

周王嚴其知與見以立政之在用人也夫三宅三俊兼位與才而言之者也克知灼見非文武之知恤而能如是乎若稽古帝詢于四岳關四門明四目達四聰咨十有二牧咨二十有三入僉曰用人惟己厥后惟明明我國家受命篤弼升于大猷凡厥正人迪簡在王庭君子在野無遺賢相古先民有夏迪知忱恂于九德之行宅乃事宅乃牧宅乃準相古先民有殷用三有宅曰克卽宅用三有俊曰克卽俊惟文王武王監于有夏監于有殷官倍夏商亦克用又建官惟賢若時登庸我不敢知曰若罔聞知任官惟才從厥攸好我亦不敢知

書經集句文稿

續編選本上卷

望

曰若弗克見夫居常伯常任準人之位者曰三有宅我惟時其克知之我聞惟曰知人則哲能官人惟帝時克天子惟君萬邦知之曰明哲明哲實作則慎簡乃僚罔曰弗克爵罔及惡德惟其賢官不及私昵惟其能人數乃心充耳目之官各恭爾事齊乃位允若茲百官修輔則乃宅人俾萬姓咸曰惟明后其有常伯常任準人之才者曰三有俊我惟時其灼見之凡人未見尙皆隱哉亦既見止簡厥修亦簡其或不修進厥良以率其或不良不掩爾善毋自廣以狹人光天之下濟濟有衆旁求俊彥旁招俊又其惟爾多方士乃威大宣乃心居上克明光被四表若日月之照臨灼于四方欽哉欽哉惟

以觀文王之耿光以揚武王之大烈

戴樂

嗣王丕承基緒立政在于承先也夫文王武王能啟佑後人者也觀耿光揚大烈王其紹先人之業乎若曰天子惟君萬邦豈惟曰民服厥命哉洪惟我王乃祖乃父懋乃后德勘定厥功天佑我有周誕受多方四海之內惟臣惟民罔有不悅在後之人弗克欽承其何以迪惟前光克紹先烈詰戎兵服海表是時也一人有績萬邦作乂四夷咸賓無有遠邇畢獻方物受邦貢曰惟我王民大和會用附大邑濟濟有衆實繁有徒總朕師曰惟我王六服羣辟罔不承德歸于宗周五載一巡狩觀四岳羣牧曰惟我王通道于九夷八蠻邇安遠格

書經集句文稿

續編選本上卷

聖

奔走多遜悉至于庭對揚天子休命曰惟我王凡友邦冢君庶士御事億兆夷人咸拜手稽首颺言曰惟我有周功莫與爭懋哉懋哉而微我王光天之下克篤其烈不及此然臣往敷求于先哲王永思不忘先王有服克成厥勳有典有則貽厥子孫用敷遺後人休假令文考不能修和有夏肅將天威其克大邦畏力小邦懷德乎曰弗克也假令武王不能取彼凶殘受率其旅若林罔有敵于我師其克永清四海受此丕丕基乎曰弗克也方今四方無虞萬姓悅服不冒海隅出日罔不率俾僉曰前人之光前人之烈所謂文王耿光武王大烈非耶昔君文王宣重光庸庸祗威威顯民顯于西土若

日月之照臨光于四方。殪戎殷。大動以威。陟丕釐。上帝之耿
命于湯。有光德。光明于上下。至于海隅。蒼生民懷其德。越乃
光烈。考武王。壹戎衣。天下大定。厥亂明。我新造邦。大勳既集。
大猷允升。丕承哉。烈王有成績。亦有熊羆之士。保乂王家。用
昭明于天下。立定厥功。惟克永世。今王卽位。祇適乃文。考答
光訓。對光命如東后之肆覲。罔不克見。篤敘乃正父。欽若成
烈。其克從武王之烈。用答揚之臣。又見友邦冢君。庶士御事。
億兆夷人。乃進于王。曰。今天子用奉先王。若時。今天子嗣守
遺緒。歸功於先王。勤家又若時。宜乎一人有慶。永膺多福。享
億萬世無疆之休也。惟良顯哉。

書經集句文稿

續編選本上卷

吳

格矯意矯機圓詞圓有指與物化之妙

官制增於夏商。用又無異唐虞也。夫夏商之官與唐虞異。夏商之又與唐虞同。觀其治功。豈慮所設之煩哉。且古之人。迪惟有夏。顓俊尊上帝。迪知忱恂于九德之行。亦越成湯。陟不釐上帝之耿命。克用三宅三俊。懋哉懋哉。建官惟賢。其時濟濟。有衆列于席位。諸臣百工多于前往。敬用治。亦能奮庸。熙帝之載。稽古唐虞。建官惟百。百官修輔。庶績咸熙。禹宅百揆。契敷五教。我先公后稷。播時百穀。並受天子之命。命于帝庭。胥克用勸。穆穆迓衡。有能俾乂。臣乃歌曰。元首明哉。股肱良哉。庶事康哉。無何虞舜在位。耄卷于勤。昆命元龜。龜筮協從。書經集句文稿

續編選本上卷

巽

有夏先后克總朕師。正月朔旦受命神宗。乃率百官若帝之初。服在大僚。人惟求舊。益贊于禹。承弼乃后。祇祇庸庸。天錫九疇。六府孔修。三事允治。告厥成功。有能俾乂。卿士師師。實繁有徒。蓋官非倍罔與成功。在後嗣王。有廢有興。惟有扈氏威侮五行。王命徂征。攻左攻右。大康尸位。敝于有洛。五子作歌。時乃大訓。畔官離次。惟時義和。奉行天罰。綏定厥家。自時厥後。未有成績。紀于太常。乃罔攸聞。予永念曰。有夏服天命。多歷年所。敬爾有官。倍于百僚。師師分猷。相從治期于治。生自庸世。世享德亦克紹。四方風動之休。萬邦作乂。在彼夏王。弗克庸德。天乃佑命成湯。降黜夏命。誕作民主。保乂有殷。

放桀南巢。仲虺作誥。聿求元聖。有若伊尹。與之戮力。克成厥
勳。訓于蒙士。乃制官刑。三風十愆。傲于有位。旁求俊彥。啟迪
後人。臣咸奔走。用又厥辟。其在太甲。惠于阿衡。改過不吝。允
德克終。迄乎中葉。盤庚遷殷。其惟爾眾。不宣乃心。具乃貝玉。
罔克胥匡。以生。至于武丁。說築傅巖。鞠彘作醴。鹽梅和羹。良
臣惟聖。股肱惟人。成王長相。御事有恭。子子孫孫。丕承基緒。
任官惟才。倍于百執事之人。彝憲永弼。左右商王。踐修厥猷。
自時中。又各迪有功。罔曰弗克。嗚乎。臣爲上爲德。爲下爲民。
惟正是。又相古夏。殷克俾厥后。惟堯舜。唐虞之際。臨下以簡。
庶官無曠。人不在多。夏商官倍。事乃有備。自今立政。不可不
書。經集句文稿。續編選本上卷。 辛

監于有夏。監于有殷。

古音古節麗藻彬彬中二段包括夏商書無遺尤足羽翼

經傳

爾尙式時周公之猷訓惟日孜孜無敢逸豫

戴槃

式前人之猷訓不可有怠心也。夫周公之猷訓固君陳所當式者也。式之而孜孜無逸豫焉。懋昭不在是乎。若曰。今予命汝。既曰懋昭。周公之訓惟民其乂。然是訓是行。用保乂民。而不訓于德。是罔顯在厥世。惟宅心知訓。踐修厥猷。深悉乎德。明惟明而克勤。無怠彰厥有常。終始惟一。時乃日新。至治馨香。感于神明。黍稷非馨。明德惟馨。夫德惟治。否德亂。與治同道。罔不興。居上克明。咸有一德。古之人克恭明德。克慎明德。遠乃猷。敷乃訓。罔不若時。昔周公一人作猷。時乃大訓。辭尙書經集句文稿續編選本上卷 五

體要名言在茲。亦曰在後之人。率循大卞其稽。我古人之德。百僚師師。惟爾率德。訓其成式。尙監茲哉。今爾尹茲東郊。非猶是多方之義民乎。汝既厥心。施實德于民。其乃有濟。克慎厥猷。敬明乃訓。惟由先正舊典。時式師民。保民無弗享于克誠。治期于治。祇勤于德。慎厥初。惟其終。不應僣志。罔不由慰。日勤古有。夏先后思日孜孜。我惟時其教告之。夫吉人爲善。惟日不足。御事節性。惟日其邁。其在浚明有家。德日宣亮。采有邦德。日敬言艱。日思不敢自暇自逸。矧爾聰聽彝訓。既知監于成憲。其可以逸豫滅厥德乎。昔周公陳稼穡之艱難。曰君子所其無逸。今式公之訓。不可不從。公之言常厥德。惟一

惟○精○不○惟○逸○豫○惟○以○亂○民○兢兢○業○業○永○肩○一○心○曷○敢○有○越○厥○志○汝○往○敬○哉○有○猷○有○爲○無○教○逸○欲○是○彝○是○訓○無○時○豫○怠○往○盡○乃○心○無○康○好○逸○豫○念○茲○在○茲○釋○茲○在○茲○篤○前○人○之○成○烈○曰○篤○不○忘○汝○分○猷○念○以○相○從○設○中○于○心○惟○克○邁○乃○訓○子○告○汝○訓○不○由○古○訓○于○何○其○訓○率○由○典○常○式○克○欽○承○圖○惟○厥○終○罔○遊○于○逸○允○茲○克○明○德○協○于○下○惟○爾○無○怠○無○荒○永○保○民○

雷霆精銳冰雪聰明題中層折無不到允稱傑作

書經集句文稿

續編選本上卷

三

讓德於君。歸美於上也。夫謀猷出於臣。是臣之德也。而稱德者歸于后焉。亦善則稱君之意耳。王若曰。爲人上者。往敬用治。小大謀猷。罔不率從。然庶績咸熙。聽一人之作謀。作猷。惟茲臣庶。率惟謀遠。乃猷用。又厥辟爲下。克忠不能曰。居上克明。其何以嘉言孔彰。見聖謨之洋洋。爾有嘉謀嘉猷。入告于內。乃順之于外。豈同僕臣之諛。便僻側媚哉。我聞在昔。惟周公德光明于上下。旁作穆穆。迓衡不迷。文武勤教。其作立政。以告子曰。惟文王克俊有德。亦越武王率惟謀從。容德德明。惟明施于四方。曰由一人極之敷言。惟皇建其有極。其嘉謀。書經集句文稿續編選本上卷 垂

嘉猷不亦自獻于先王乎。厥後公定洛宅。且有後言曰。其某作民明辟。曰亂爲四方新辟。猶可想見其同心同德。服勞王家。是以君罔以辯言亂舊政。臣罔以寵利居成功。詢謀僉同。大猷允升。作周孚先。歸于一德。今夫后德惟臣不德。惟臣古人有言曰。木從繩則正。后從諫則聖。豈不以爲人上者。克庸德全賴左右有位之士。輔台德哉。然而繩愆糾繆。懋乃后德。交修不逮。亦惟曰克左右昭事。厥辟斯卽曰。都曰。俞元首起。股肱喜無非。拜手稽首。颺言對揚天子之休命。至于其能稽謀曰。我作股肱耳目。克慎厥猷。曰我敷心腹腎腸。疇則不有其善曰。惟上之善不矜其能。曰惟上之能承弼厥辟。惟茲惟

德稱哉而爾乃克自抑畏也而爾乃不敢不讓也言茲在茲
自其口出斯謀斯猷遂陳于上爾祇勤于德曰我后之德克
勤于邦爾慎乃儉德曰我后之德克儉于家爾懋敬厥德曰
我后之德克敬于和爾克恭明德曰我后之德溫恭允塞爾
不替義德曰我后之德以義制事明明在下穆穆在上有猷
有爲若后有之允迪茲爲上爲德罔坏若德其克式周公之
猷訓永弼乃后于彝憲

精悍之氣咄咄逼人以後一段筆勢沈現天矯

書經集句文稿

續編選本上卷

五

有容德乃大

戴槃

德大由於能容保民無疆矣。夫容民畜衆德之所由廣運也。有容乃大。又何以忿疾爲哉。告君陳曰。爾今者尹茲東郊。將以爾之令德師保萬民。然德裕乃身而不能使不若德之民。咸歸于一德。則好生之德未洽于民心。狹人者終無以自廣也。爲人上者。豈惟有忍必有濟哉。予永念曰。我昭考不敢替厥義德。率惟謀從容德。以並受此丕丕基。代虐以寬。惟武王敷大德于天下。今予告汝寬而有制。從容以和。和萬民用以容。予惟時命有申。夫民弗用靈頑不卽工。其惟爾衆舊染汚俗。猶可咸與維新。爾厥心疾狠乃非德用。又依勢作威不寬。書經集句文稿續編選本上卷 蓋

綽厥心是不能容虐于民。爾惟不德罔大。惟戒茲允。茲克明乃罔不休。德惟一動罔不吉。悼大成裕斷斷兮無他技。其心休休焉。其如有容焉。我聞在昔古之人。厥亂爲民曰無胥戕。無胥虐。至于敬寡。至于屬婦。合由以容居。上克明亦言其人。有德是之謂大。汝能用奉畜衆施實德于民。不乃敢大言。汝有積德。惟風惟草。民情大可見。小人難保。往盡乃心。惟時怙冒。乃由裕民。我不敢知曰懋乃德。不在大夫。在辟勿辟。在宥勿宥。制百姓于刑之中。威威亦所以顯民。然威克厥愛。不如愛克厥威。克寬克仁。惟爾洪度。毖殷頑民。胥克用勸。不剛不柔。厥德允修。惟迪茲有猷。有爲懋昭大德。實能容之以能保。

我黎民亦職有利哉

疎宕閒曠文中逸品

書經集句文稿

續編選本上卷

五



公其惟時成周建無窮之基亦有無窮之聞

戴槃

能建國家之基者聞譽無不隆也。夫成周之基惟畢公與周公。若陳能建之也。建其基而聞亦有之。公可不協心同道乎。若曰。朕今者撫萬邦。綏兆民。亦欲紹先人之大業。以期于萬世。無疆。萬世有辭。然克成厥勳。實賴正事之臣。公誠顧乃德。遠乃猷。無疆惟休。汝永有辭。道洽政治。澤潤生民。洽心同底。于道。豈惟予小子。永膺多福哉。一人有績。克永遠念。保又王家。多歷年所。我不敢知。曰有後。棄基一人作猷。用成顯德。明揚在下。無遠弗届。我亦不敢知。曰爾罔攸聞。常于厥邑。勸相

書經集句文稿

續編選本上卷

五

我國永弼。乃后厥顯。于民。臣人若時。惟良顯哉。公今日者。佑我有周。惟欲至于萬年。其惟以彰。瘝之風聲。懋建大命。俾萬姓從欲。以治弼我。丕丕基乎。其惟以德義之大訓。永建乃家。俾予一人。世世享德。以並受此。丕丕基乎。允若茲。四方無虞。萬邦作式。邦之臧。惟公德。厥基永孚于休。夫安定厥邦。則有固命。造我區夏。惟公丕建。公於此亦。豈冀丕單稱德。而曰名在茲哉。然朕思周公。以克慎厥始。而民懷其德。君陳以克和厥中。而民歸于德。貳公宏化。舊有令聞。豈以公既成厥終。而獨不敷聞在下乎。不剛不柔。予嘉乃德。凡厥庶民。惟茲惟德。稱成爾顯名。亦言有德終有辭。于永世懋哉。懋哉。基命定命。

與治同道罔不興。以長我國。惟懷永圖。顯在厥世。不掩爾善。邦之榮懷。垂裕後昆。非惟曰享國百年。聲教四訖。功惟敘民。乃賡歌後之人。曰篤不忘。彰厥有常。永世無窮。俾我有周。無斁。子孫。孫永保民。我二人共貞。公其以子萬億年。敬天之休。

骨沈力豐名言絡繹

書經集句文稿

續編選本上卷

五

百姓昭明協和萬邦

戴槃

昭明見於百姓。聲教訖於萬邦矣。夫百姓親而近之。萬邦則推而遠之。曰昭明。曰協和。非甚盛德其孰能與於斯。若曰。齊德廣運。始于家邦。終于四海。無有遠邇。胥克用勸。越在內服。庶民無有比德。越在外服。羣辟罔不承德。其惟爾衆允茲克明。凡有邦冢君。協恭和衷。哉若稽古帝克明峻德。平章百姓。夫天子惟君萬邦。用昭明於天下。先見於百姓里。居下民。若有恒性。惟后綏猷。后克聖。百姓從己之欲。夫一人元良。萬邦以貞。矧爾衆庶一德一心。罔不是孚。曷敢有越厥志明。明棊常祇勤于德。克昭事厥辟。凡民無有淫朋。惟皇作極。皇自敬書。經集句文稿。續編選本下卷。一。

百姓于帝其訓。夫一人有慶。萬邦作式。矧惟多士。同德同力。不應僂志。無或敢伏。攸箴明明在下。曰攸好德。克昭升于上。夫昭乃辟之有。又懋昭大德。明俊民于丕時。旣明用德。爲人上者。服于土中。其自時中。又若夫五百里侯。服五百里綏。服五百里要。服五百里荒。服五百里甸。服殊厥井疆。爲地不同。至于萬邦。克敬于和。協于克一。厥惟艱哉。然而帝德罔愆。無遠弗届。安勸小大。庶邦亦克用。又我不敢知。曰有衆率怠。弗協。自作不和。邦之不臧。不協于極。乃非德用。又爲天下君。允協于成德。其在四方。用丕式見德。協厥居。有幹有年。協于邑。作內作外。協于中。無黨無偏。允迪茲萬邦。咸休羣侯。旣皆聽

命萬邦表正。一人垂拱。仰成邦之既隕。不利吉言。則不德。惟
臣爲天下主。和聲惟德。用外薄四海。咸歸于一德。和民則萬
姓悅服。和庶官百工。允釐和天下。羣后畢會。允若時。萬邦惟
懷。對揚天子休命。萬邦無斁。率又于民。棗彝下民。祇協萬民。
咸和其爾。萬方百姓。非惟曰德明。惟明萬邦之君。黎民懷之。
時乃罔不變。帝乃誕敷文德。惟時懋哉。

得心應手法密機圓其鈞縮靈緊處用古如自己出

書經集句文稿

續編選本下卷

二

后克艱厥后臣克艱厥臣

戴槃

君臣各盡其責。莫或不艱也。夫爲君難。爲臣不易。克念作聖。亦大惟艱。禹惟時其告之。且元首明而股肱良。各恭爾事。齊乃位。天位艱哉。思其艱以圖其易。一人元良。厥惟明明。后百官修輔。思日贊贊。襄知之非艱。行之惟艱。罔曰弗克。惟旣厥心。今夫建邦設都。樹之后。王君公。付畀四方。惟皇建有極。奄甸萬姓。厥君先敬勞。直聰明作元后。是惟艱哉。無輕民事。惟難。無安厥位。惟危。永思艱曰。一日萬幾。無教逸欲。有邦兢兢業業。人其代天。不知艱則弗克。若天祇祗庸庸。各守爾典。不知艱則不克。敬典爲人上者。生則逸。何以作萬夫之長。克寬

書經集句文稿

續編選本下卷

三

克仁用昭。明于天下。惟孜孜日思。恐獲戾于上下。慄慄危懼。若將隕于深淵。遺大投艱。其克知厥若。申時命。允釐百工。克綏受命。集大勳。分職六卿。克成厥勳。宅乃事。無曠庶官。克勤乃事。爲下克忠。無非居上克明。而惟幾惟康。慎乃在位。疇不曰。惟大艱人哉。今夫徵庸在位。臣作股肱。耳目置諸左右。汝翼汝爲。服在大僚。其難其慎。作舟楫。惟良臣。厥惟艱哉。出入罔有不欽。夙夜罔或不勤。先知艱曰。三風十愆。早已做于有位。惟御事。厥棐有恭。告汝不易。不知艱則大弗克。恭爾有官。日嚴祗敬。責人斯難。不知艱則大不克。敬列于位者。廢厥職。何以惟正事之臣。克勤克儉。用勩相我國家。惟居寵思危。不

敢自暇自逸○慎○終于始○無有作福作威○言○艱日思○式克至于
休○暨乃僚以匡辟○克祗厥辟○聽一人之作猷○克慎厥猷○弼乃
后于彝憲○克有常憲○厥后克聖○無非爾身○克正而自靖○自獻
欽乃攸司○不已宏濟于艱難○哉○綏猷惟后○欽若惟臣○罔不曰
艱○大有大艱○在上者丕克遠省○在下者式克欽承○作恭先作
孚先○乃罔後艱○君臣咸若時○庶政惟和○亦克用乂○黎民懷之
不則敏德○惟良顯哉○

如題兩比於克艱二字各還精義絕無浮光掠影犯其筆
端

書經集句文稿

續編選本下卷

四

爲政以德以善養人也。夫徒善不足以爲政。徒法不能以自行。有積德以養其民。政事懋哉。且爲人上者。作不善弗克庸。德怠忽荒。政殄資澤于下。民惟業業兢兢。懋乃后德。庸庸祇祇。同于厥政。然後生民保厥居。其惟爾衆乃育于國。帝其念哉。人之有爲無怠無荒。亦言其人有德。德明惟明。豈惟曰有其善無喪厥善哉。必將上下勤恤。惟懷永圖。慎乃出令罔以辯言亂舊政。咸若時政。由舊不至亂其紀綱。允德協于下。惟明后慮善以動。動惟厥時。德惟一動罔不吉。然克明峻德。懋昭大德。慎乃儉德。不可不施于有政。政乃又厯告爾百姓。而

書經集句文稿

續編選本下卷

五

穆穆在上。亦明明在下。令出惟行。弗惟反。不應惟動。爲善不同。同歸于治。德惟新。同底于道。然日宣三德。祇敬六德。行有九德。亦惟任人以共。政政不迷。勤施于四方。而惟臣欽若。亦惟民從。又用康乃心。遠乃猷。是謂大同。欽哉。欽哉。公能滅私。可以觀德。愛克厥威。可以觀政。吉人爲善。不敢自暇自逸。然一人元良。德裕乃身。而實德未施于民。其何以發號施令。罔有不臧哉。惟圖厥政。莫或不艱。用德彰厥善。洽于民心。其乃有濟。君子所其無逸。先知稼穡之艱難。則知小人之依。政貴有恆。引恬引養。惟殷于民。馭衆以寬。惠于庶民。邇人能安。緩厥兆民。而民惟邦本。有康食。而迪率典。亦曰不克羞爾。念敬

我衆鞠人謀人之保居。永力爾田。有幹有年于茲土。無胥戕。無胥虐。乃其乂民。民懷其德。在上者不敢動用非德。道洽政治。澤潤生民。至于敬寡屬婦。合由以容。四海大賚。康濟小民。萬邦作乂。粒我烝民。而民之所欲。思其艱。以圖其易。亦曰用奉畜衆。申命用休。莫謂小人難保。子惠窮困。咸仰我后。綏猷胥保。惠胥教誨。乃由裕民。民歸于德。居上者亦旣勤用明德。政事惟醇。民情可見。至于海隅。蒼生罔不咸賴。六府三事。惟修惟和。以能保我黎民。亦職有利哉。

化板爲活立格一新命意遺詞動中題肯是純粹以精之

詣

書經集句文稿

續編選本下卷

六

克勤于邦克儉于家

戴槃

著賢勞于邦家。宜其祇承于帝也。夫邦家不可不勤儉也。克勤克儉。禹之賢勞不亦著乎。帝若曰。爲人上者。克勤乃事。恭儉惟德。亦惟曰輯和邦家。朕奄有四海。爲天下君。無康好逸豫。無怙侈滅義。兢兢業業。始于家邦。惟茲洪水。滔滔于選爾勞。有後言焉。成允成功。惟汝賢。汝能平邦國。而服勞皇家者也。今夫天工人代。庶官無曠。無教逸欲。有邦荒怠弗敬。其何以邦乎。于休也。今者九川滌源。旣安定厥邦矣。三壤咸則。旣成賦中邦矣。無時豫怠。其克有勳。罔不由慰。日勤念汝。八載荒度土功。導嶓冢。至于荆山。導弱水。至于合黎。導黑水。至于書經集句文稿。續編選本下卷。七。

三危導積石。至于龍門。然後江漢朝宗。罔不同焉。而克慎厥始。自能圖惟厥終。不迷勤教。往盡乃心。惟期夙夜不逮。汝欽哉。思日孜孜。弼予一人。其在百揆。四岳州牧。侯伯莫能分猷。相從也。自朝至昃。不遑暇食。厥惟汝克勤于邦。今夫以禮制心。用物不賤。無弗好于而家。奢麗敝化。其何以家用平康也。今者有指疆土。旣永建乃家矣。其作大邑。旣綏定厥家矣。無卽悖淫。各守爾典。曷其奈何。弗儉。雖曰九州畢獻。方物厥貢。漆枲絺紵。厥貢元纁。璣組。厥貢熊皮。狐狸。厥貢璆鐵。銀。鏤。惟汝服食器用。無敢侈焉。而克邁乃訓。其能明聽予言。慎乃儉德。惟懷永圖。先知稼穡之難。汝念哉。在上穆穆。戒茲十愆。非

徒甘酒嗜音峻宇雕牆不敢有二于此也。以公滅私。不殖貨利。厥惟汝克儉于家。讓于臯陶。汝不自滿假也。佐以伯益。汝惟不矜伐也。汝往敬哉。其總朕師。無荒失朕命。

淋漓酣暢機旺神流佳在切定禹身上發揮非泛寫勤儉
邦家者可比

書經集句文稿

續編選本下卷

八



慎厥身修思永

戴槃

道○本○諸○身○修○之○者○當○永○思○艱○也○夫○身○不○可○不○修○而○修○不○可○不○慎○也○慎○厥○始○以○思○其○艱○敢○曰○時○惟○不○永○哉○且○爲○人○上○者○身○克○正○罔○敢○弗○正○其○或○不○修○弗○慎○厥○德○以○自○災○于○厥○身○惟○無○怠○無○荒○克○自○抑○畏○欽○念○以○忱○曰○永○不○忘○允○懷○于○茲○道○積○于○厥○躬○明○哲○作○則○凡○君○子○邁○迹○自○身○以○義○制○事○以○禮○制○心○一○話○一○言○勿○用○非○謀○非○彝○予○惟○曰○祇○厥○身○小○大○謀○猷○其○庶○事○叢○于○厥○身○弗○慮○胡○獲○弗○爲○胡○成○克○儉○克○勤○不○敢○自○暇○自○逸○予○惟○曰○檢○厥○身○夫○祇○厥○身○檢○厥○身○卽○修○厥○身○也○厥○修○乃○來○終○始○念○典○于○學○無○戲○怠○無○豫○怠○惟○旣○厥○心○行○之○惟○艱○所○以○簡○厥○修○也○辭○尙○體○要○

書經集句文編

續編選本下卷

九

無○煩○爾○交○修○也○敬○之○哉○修○其○可○願○未○嘗○舍○己○以○從○人○厥○修○罔○覺○夙○夜○罔○或○不○勤○作○恭○先○作○孚○先○必○求○諸○道○正○色○率○下○非○徒○百○官○修○也○慮○善○以○動○不○僅○五○禮○修○也○念○之○哉○修○其○不○逮○無○非○設○中○于○乃○心○允○若○茲○穆○穆○在○上○其○難○其○慎○罔○有○擇○言○在○身○慎○終○于○始○式○克○欽○承○無○黨○無○偏○不○敢○動○用○非○德○德○裕○乃○身○罔○有○弗○欽○而○欽○厥○止○惟○慎○厥○事○固○不○同○慎○乃○服○命○慎○乃○攸○司○慎○厥○所○與○俾○克○畏○慕○惟○一○惟○精○亦○旣○勤○用○明○德○德○裕○乃○身○罔○或○無○畏○而○畏○上○帝○克○慎○厥○猷○亦○無○殊○慎○乃○出○令○慎○乃○有○位○蓋○自○是○而○言○艱○日○思○矣○惟○聖○罔○念○作○狂○惟○狂○克○念○作○聖○予○思○孜○孜○告○之○修○其○乃○有○濟○檢○若○不○及○惟○曰○思○免○厥○愆○尤○而○所○謂○居○寵○思○

危者永終是圖。作德心逸日休。作偽心勞日拙。我思昧。昧。式。有慎。允。茲。克。明。丕。從。厥。志。非。惟。思。亂。于。威。儀。而。所。謂。圖。易。思。艱。者。永。肩。一。心。是。訓。是。行。克。永。遠。念。能。厥。初。惟。其。終。無。敢。康。好。如。有。不。永。何。以。踐。修。厥。猷。也。惟。明。明。在。下。其。惟。有。終。然。後。不。見。是。圖。永。圖。惟。懷。顯。在。厥。世。永。世。有。辭。有。猷。有。爲。克。永。觀。省。自。今。日。至。于。後。悉。貴。有。恒。如。有。不。永。何。以。克。慎。明。德。也。惟。慄。慄。危。懼。不。敢。或。後。由。是。永。保。天。命。惟。天。佑。德。永。底。民。生。惟。民。歸。德。夫。明。作。有。功。有。一。于。身。惟。修。予。永。念。日。用。康。乃。心。惟。克。慎。思。日。贊。贊。襄。哉。

以經解經分十比逐層挑剔字字清醒經藝中罕見之技

書經集句文稿

續編選本下卷

十

也

用人卽以承天。庶官愈知無曠矣。蓋君爲天子。君之工皆天之工也。得人以代之。不愈知無曠之由乎。且天佑下民。而作之君。惟其克相上帝。寵綏四方。爲天下君。克典神天。惟茲庶亦罔弗若天。后克艱厥后。臣克艱厥臣。功加于時。天位艱哉。兢兢業業。無曠庶官。旣各迪有功矣。克勤于邦。不敢自暇自逸。凡我有官君子。分猷相從。罔不曰庶績咸熙。克綏厥猷。惟后用又厥辟。無淫于觀。于游。其在萬邦之君。爾事克勤。亦惟曰大勳旣集。允惟正事之臣。允若茲斯。謀斯猷。惟我后之德。時乃功有正有事。惟諸臣克宅時。乃功然而君作恭先臣。

書經集句文編

續編選本下卷

十一

作孚先罔居成功。往敬用治。無非欽若昊天。惟君惟長。分職率屬。小大之臣。克左右昭事。厥辟百工。惟時以承天休。百工允釐寅亮。天地有顯道。人其代之。夫濬哲文明。天錫勇智。顯忠遂良。天所眷佑。凡厥正人。罔不配天。其澤天有日月之行。惟不自息。人充耳目之官。無時豫怠。如瘝厥官。是弗敬上天也。廢厥職。是弗克若天也。棄厥司。是自絕于天也。爲人上者。不若茲其克有勳。恭行天罰。不用非罰。肅將天威。無有作威。克謹天戒。罔或不戒。穆穆在上。明明在下。聖時憲而臣欽。若其代子言慎。乃有位。天祿不至永終焉。各恭爾事。天壽早已平格焉。又豈獨王省惟歲。卿士惟月。師尹惟日。爲能孚于

天時也哉。欽承天道。同底于道。克享天心。惟既厥心。而稽天
若疇。不祇若一人。作猷百官。修輔元首。明而股肱。良代之以
身。綏爰有衆。天必從民欲焉。克成厥勳。天式教我休焉。又豈
獨以殷仲春。以殷仲秋。以正冬。夏見其時。亮天功也。哉。有能
有爲。惟德動天。無怠無荒。惟辟奉天。人咸若時。惟良顯哉。
氣充詞沛。局度渾成。

書經集句文稿

續編選本下卷



庚辰年...

自茲卦... 天無怠... 惟辟奉天... 人咸若時... 惟良顯哉... 氣充詞沛... 局度渾成...

政在養民。萬邦於是作乂焉。夫蒸民乃粒。民乃足矣。撫有萬邦。茲乃俾乂。禹惟時甚。陳之且農。用入政。一曰食。凡厥庶民。不有康食。何以萬邦咸休。亦克用乂哉。惟不舍穡事。乃亦有秋。克慎厥猷。用造區夏。百穀用成。乂用明。無有遠邇。乃罔不休。奏庶艱食。鮮食。懋遷。有無化居。夫豈猶是下民昏墊之時哉。原隰底績。尚永力畋爾田。小大率從。曷敢不終朕畝。厥邦厥民。惟時敘。無荒無怠。罔不勤。蓋自是而蒸民乃粒矣。降播種。殖嘉穀。弗若惰農自安。而用物不賤。不作無益。害有益。稼穡先知。君子所其無逸。黍稷純藝。萬民乃罔不生。前此黎民阻飢者。自有粒而兆民允殖矣。農服田畝。各迪有功。乂何論。厥賦上上。厥賦中中。厥賦下下。平東作秩。西成爰知。小人之依。而敷蓄既勤。厥子肯播。亦肯穫。雷電以風。不偃禾歲。則大熟。日月無易而成。穀食哉。惟時前此下民其咨者。自有粒而兆民阜成矣。峙乃糗糧。惟正之供。更何論。三百里。秣四百里。粟五百里。米。咸若時。生生自庸。室家相慶。濟濟有衆。稼穡作甘。粒我蒸民。邦其永孚于休。其惟爾衆。乃飲食醉飽。今日耽樂。亦職有利哉。至于萬邦。厥攸作。惟正是乂之。邦之阨隍。由一人。邦之榮懷。亦由一人。今旣安定。厥邦爲上者。綏爰有衆。鞠人謀人之保居。而康濟小民。萬邦惟無斁。不必發粟散財。

四海大賚。固已厚生利用。九州攸同。率作興事。有能俾乂。非獨綏猷者。表正萬邦。分土者協和萬邦。邦之不臧。惟汝眾。邦乃其昌。亦惟汝眾。今既成賦中邦。在下者胥匡以生。有幹有年于茲土。而保惠庶民。萬邦其作式。惟修惟和。允治六府三事。引恬引養。至于海隅。蒼生明作有功。自時中乂。將見稱德者萬邦。惟懷歌功者萬邦。惟慶萬姓悅服。萬世永賴。萬民咸和。萬方誕告。光天之下。同歸于治。予惟曰。既富方穀。永底烝民之生。然而益稷。惟曰。孜孜無敢逸豫。思其難以圖其易。更不遑暇食矣。

精神團聚氣象光昌上下句不打成兩極非徒以工麗見

書經集句文稿

續編選本下卷

古

長

其昌亦對萬眾全鴻如鐘中雁不春百國以生百壽齊
國綠精春寒五萬朕衣土春蘭珠滿洪洪
國廣大齊國昌國主朕朕火朕如同率亦與萬衣歸對父朕

東漸于海西被于流沙朔南暨

戴槃

居不同方。可分驗德之所至焉。夫東西朔南各有其方也。爲漸爲被爲暨。禹之祇德可歷驗之。嘗聞一人元良。肅將天威。東征西夷。怨南征北狄。怨此後王。布昭聖武。倭徂之民。咸曰。僉予后者也。有夏先后。班師振旅。七旬苗裔。懋厥德。無遠弗屆。不僅弼成五服。至于五千也。吾於禹平水土後見之一。至于東。導渭則東會于澧。又東會于涇矣。導洛則東會于灑。又東會于沂矣。澗水既東。不冒海隅。出日罔不率俾。穆穆迓衡。不同東國。作邑明明在下。非徒東原。辰平請誌之曰。東漸于海。一至于西。浮于潛。逾于沔。西傾。因桓是來矣。浮積石。至龍

書經集句文稿

續編選本下卷

五

門。西河會于渭。汭矣。弱水既西。餘波入于流沙。罔有不同。四夷咸賓。早見西戎。卽敘八蠻。通道佇看西旅。貢黻請誌之曰。西被于流沙。一至于朔南。導河則北過洺。水南至華陰矣。導漾則北入于海南。入于江矣。九川滌源。爲潭南方北面。以祀神祇。水溢爲滎。出于陶邱之北。山旣刊旅。遠及惇物。終南請誌之曰。朔南暨。稽古帝堯。欽若昊天。敬授人時。宅嵎夷。日暘谷。平秩東作。宅南交。日明都。平秩南訛。宅西曰昧。谷平秩西成。宅朔方。日幽都。平在朔易。閏定四時。萬邦仰協和之治。禹也。上協于帝。合東作西。成南訛。朔易之時。若日月之照臨。無有遠邇。以覲耿光。其亦如放動之格于上下哉。稽古帝舜朝

觀四岳。班瑞羣。后二月東巡狩。至于岱宗。五月南巡狩。至于南岳。八月西巡狩。至于西岳。十有一月朔巡狩。至于北岳。修明五禮。四方徵風動之休。禹也。祇承于帝。合東巡西巡南巡朔巡之地。用昭明于天下。罔不小大。咸仰朕德。其亦如重華之秩于山川哉。蓋自是而聲教訖于四海矣。

義堅詞確骨月停勻後二借堯舜作陪尤見巧思綺洽

書經集句文稿

續編選本下卷

六



多為王山田... 義堅詞確骨月停勻後二借堯舜作陪尤見巧思綺洽

... 義堅詞確骨月停勻後二借堯舜作陪尤見巧思綺洽

夏王聲教之所訖。推之而皆準矣。夫曰四海。則遠莫能禦也。禹之聲教訖于是焉。非祇德之化神乎。且爲人上者。始于家。邦。終於四海。有夏先后。克勤于邦。克儉于家。其發號施令。布命于下。則文命敷于四海。而分猷相從。敷教在寬。則聲教訖于四海。東漸西被。朔南暨四海之內。不已咸仰德哉。粵若稽古帝堯。光被四表格于上下。其後重華協于帝。光天之下。至于海隅。蒼生萬邦。黎庶其惟帝。臣懋哉。懋哉。帝德廣運。茲惟后矣。然奮勇熙載。乃命禹平水土。禹往敬用。治弼成五服。至于五千外。薄四海無遠弗屆。其建無窮之基。亦有無窮之聞。書經集句文稿續編選本下卷 七

且夫爲天下君。奄有四海。文德誕敷。豈可違之不達哉。今者四隩旣宅。導河入于海矣。導江入于海矣。導漾入于海矣。導淮入于海矣。導弱水入于海矣。導汎水入于海矣。大水無津。涯朝宗于海。罔有不若。亦能均四海乎。然四海會同。水之流。永有依歸。而四海永清。王之德達于上下。聲名在茲。莫麗陳教敷大德于天下。以康四海。訖自若是。前此黎民阻飢。艱食鮮食未奏。凡厥庶民。雖知作威惟辟。而風聲猶未樹也。至禹則九川滌源。而樹之風聲。恭承民命矣。四民安居。無有遠邇。胥匡以生。非第納總納結。納米納粟也。四岳八覲。越在內外。咸聽朕命。非第侯服甸服。要服荒服也。穆穆在上。明明在

下無遠用戾惟動不應僣志不冒海隅出日罔不率俾前此
下民昏墊匹夫匹婦不獲其惟爾衆雖知綏猷惟后而彝教
猶未迪也至禹則九澤旣陂茲迪彝教式敷民德矣有土有
邦四方之民遵王路非惟厥土黃壤厥土白壤也厥貢厥篚
四夷咸賓獻方物非惟錫貢橘柚錫貢磬錯也惟皇作極惟
民從又自邇及遐無弗化于厥訓遠而海濱廣斥罔不是孚
上承萬邦協和之治而德施于民終有辭于永世不必大賚
四海而萬姓無不悅服近追四方風動之休而德協于下疇
不祇若休命豈獨肇位四海而一人見其元良蓋自是而功
告厥成矣

書經集句文稿

續編選本下卷

十二

一 講陪筆天然前路挪展有度中路分疏精細後二收束
整飭

(Faded bleed-through text from the reverse side of the page, including characters like 一、二、三、四、五、六、七、八、九、十、十一、十二)

德與功悉如其報。商王因所懋而懋焉。夫德與功患其不能懋耳。亦既懋矣。有不懋官懋賞者乎。且王者建邦設都崇德報功。垂拱而天下治。服在大僚亦言。其人有德庸以車服。惟曰明庶以功。我王不掩爾善。世選爾勞。惟時懋哉。豈獨不邇聲色。不殖貨利。足以悅人聽聞哉。今夫六卿分職。百工惟時。位事建官。所以俊有德也。不明于德而列于庶位。懋不懋則廢厥職矣。然小人不可在位。而君子不可在野。使於克慎明德者。而若罔聞。知其何以用彰厥善乎。惟因其德之懋。而懋簡相爾。舉能其官。迪簡在庭。庶官所由無曠也。圖任其政。任

書經集句文稿

續編選本下卷

九

官無非惟賢也。敬之哉。丕單稱德。顯在厥世。一德咸有其數。心腹腎腸。三德日宣。用作股肱耳目。雖不必官人以世。而是信是使。是以爲大夫卿士。嘉乃德曰。篤不忘。不亦百官修輔而懋建大功哉。今夫欽乃攸司。尙迪有祿。用命有賞。所以敘乃功也。罔成厥功。而卽錫之福。懋不懋則害于家矣。然儉人之祿永終。而正人旣富。方穀使於立定厥功者。而矜絕資。澤又何貴。克成厥勳乎。惟因其德之懋。而懋乃攸績。則有厚賞。一人有慶。賞不必于祖也。諸臣克宅。賞無不畢協也。念之哉。各迪有功。胥克用勸。功加于時。惟其大介賚爾。功崇惟志。時則勿有間之。雖不必賞延于世。而有猷有爲。非賚爾秬鬯一

貞○試○以○功○克○綏○厚○祿○不○亦○百○工○允○釐○而○懋○敬○厥○德○哉○爲○士○爲○
德○成○允○成○功○罔○有○不○臧○爲○人○上○者○不○從○厥○志○懋○哉○懋○哉○
虛○實○相○間○反○正○相○生○行○文○更○有○春○容○溫○雅○之○度○

書經集句文稿

續編選本下卷

守



皇覽時開又五冊上言文更奇春容溫雅之度

海內外知此則百不難爲人上春容溫雅之度

海內外知此則百不難爲人上春容溫雅之度

以義制事以禮制心垂裕後昆

戴槃

義與禮咸得其中。後昆之率迪多矣。夫制事制心。惟義禮乃
能得其中也。王之懋建若是。其垂諸後昆者。不有餘裕哉。若
曰。在彼夏王。逸厥逸。怙侈滅義。惟事其爽侮。敗度敗禮。罔有
悛心。天降時喪。用殄厥世。以不能保于孫。今王新服厥命。典
厥義。定于禮。咸中有慶。不僅兆民賴之。抑且垂憲乃後矣。王
懋昭大德。建中于民。夫經德秉哲。惟精惟一。允執厥中。作外
吉。作內吉。越在外。克勤乃事。蒞事惟煩。不敢自暇自逸。而民
事或輕。未能自時中。又何以無偏無黨乎。惟議事以制厥業。
有恭。乃其速由茲義。惟克果斷。罔後艱。同德所以度義也。罔

書經集句文稿

續編選本下卷

三

以側言改厥度。惇信所以明義也。用其義。萬事無墮。而兢兢
業業。罔非在中。越在內。往盡乃心。厥心惟既。勿用非謀。非彝
而王心未一。不能咸庶中正。何以無反無側乎。雖寬而有制
格。其非心亦罔不克。由禮思自亂于威儀。非惟三禮能典也。
無冒貢于非幾。非惟五禮有庸也。秩有禮。一心永肩。而祇祇
庸庸。克和厥中。欽哉。欽哉。有正有事。遵王之義。同德同心。稱
王之禮。民之中。惟上之中。王敬作所。不亦事事有備。而用康
乃心乎。允迪茲非。特建其有極。民協于中也。蓋德垂後。裔悖
大成裕矣。聖有謨訓。啟佑後人。亦惟曰不替義德。今王彊而
義。惟無斁其康事。自時厥後。有大可率循矣。夫惟德惟義。

時乃大訓。前人有成。烈不獨裕。乃身也。一人有績。萬世永賴。休休焉。如有容。王其明哲。作則彰厥有常。俾後嗣王。咸曰。斯謀斯猷。惟烈祖之成德。君作恭先。敷遺後人。亦惟曰。修其禮物。今王掌邦禮。克設中于乃心。自今至後。有成憲可永監矣。夫有典有禮。乃罔不休。前人既勤德。不獨裕乃民也。告爾多士。貽厥子孫。斷斷兮無他技。王其典常。作師用彰厥善。俾後之臣咸曰。是彝是訓。率乃祖之攸行。王其念哉。

選詞考義按部就班後幅更覺精神團結氣味沈酣

書經集句文稿

續編選本下卷

三

敷榮擬諸植物。而生殖見于兆民矣。夫譬諸草木。天之燦然者見矣。觀于兆民。不可信其殖乎。稽古帝舜。命益作朕虞。若上下草木。德惟善政。政在養民。厚生。今天降威。除惡務本。樹德務滋。如庶物之咸熙。其惟爾衆。生生自庸。亦職有利哉。上天孚佑下民。罪人既黜伏矣。天命弗僭。所以綏厥兆民也。乃審厥象。其賁若草木乎。厥草惟繇。厥木惟條。其有幹于茲土。而天道福善禍淫。時乃日新。訖自若是。九疇用錫。若庶草之繁廡。四方底綏。若顛木之由葉。天休滋至。受命敷賁。早已殲其類於苗之有莠。粟之有秕。厥草惟夭。厥木惟喬。俾易種子。

書經集句文稿

續編選本下卷

三

茲邑而天道彰善癉惡。顯在厥世。罔不若時。取虜凶殘。無虞草竊。姦宄肅將。明威不比大木斯拔。天功時亮。用宏茲賁。豈獨徵其象於鳥夷之珥。嶧陽之桐。懋哉懋哉。昭升于上。敷榮在下。若草木之漸包。由是而下。民惟草。俾克胥匡。以生其族。若林無不克明。保享蓋兆民允殖矣。前此敷虐。萬方弗忍。荼毒汝萬民。乃不生生。今日者。惟天生民。民之所欲。天必從之。勤稼穡而藝黍稷。嘉穀殖矣。肇牽車而遠服。賈貨利殖矣。允迪茲厥功。告成可以阜成兆民。庶事其康。可以永康兆民。前此毒痛四海。舍我稽事。爾百姓罔不懷懷。今日者。惟天惠民。民懷其德。天惟矜爾。克開于民之麗。無殊有禮是殖也。爰知

小人之依無謂其生不殖也。允若茲宅爾宅而畋爾田。兆民咸賴。邇人安而遠人格。兆民永懷。稗子一人輯和邦家。亦惟天純佑。蓋子臨兆民。罔不懼焉。

詞華燦若風致嫣然

善經集句文稿

續編選本下卷

音



奉先思孝接下思恭

戴槃

孝與恭各盡其德不可不思也。蓋孝所以奉先，恭所以接下也。思孝思恭，不已能懋厥德乎？若曰爲人上者，德裕乃身，亦曰惟令德孝恭，我聞在昔舜格于文祖，父頑母嚚，克諧以孝，詢于四岳，溫恭允塞，若稽古帝文思安安，今王卽位，率乃祖之攸行，尙茲監哉。王懋乃德，視乃烈祖，無時豫怠，夫烈祖祀于廟，罔不祇敬，好問則裕，無謂人莫己若，蓋恪慎克孝，嚴恭寅畏，而垂裕後昆者也。今夫慎徽五典，立愛惟親，人之有能無弗好于而家，蓋愆惟孝，疇則曰厥心未愛，夫厥考能事用孝，養厥父母，有政克施，惟孝友于兄弟，凡茲臣庶，亦罔不能。

書經集句文稿

續編選本下卷

五

厥初矧今王爲天下君，作萬夫之長，而可不追孝于前人乎？其或不孝，則邊佚前光在家，不知何以無遺厥先也。惟圖易思艱，不敢自暇自逸，時式舊典，無亂先王之正刑，踐修厥猷，聰聽祖考之彝訓，思日孜孜，念乃祖祇，肅宗廟，其奉先罔有弗欽，而體此以觀，耿光則克紹先烈矣。臣告教厥后曰：奉先思孝，今夫日嚴六德，立敬惟長，人之有爲，無自廣以狹，人作肅在恭，亦惟曰罔不克敬，夫謙能受益，同寅和衷，協恭簡而無傲，御事厥棐有恭，凡厥正人，曷敢有越厥志，矧今王爲天下主，撫九有之師，而可不克恭明德乎？其或不恭，則狎侮君子，罔盡人心，何以允協于下也？惟居寵思危，無有作威作福。

終始惟一時乃日新

戴榮

終始不渝。日新其德矣。夫德惟一而後能日新也。有始有終。不亦能常厥德乎。昔先王纘禹舊服。慎厥終。惟其始。德日新。萬邦惟懷。懋哉懋哉。咸有一德。繼自今。迪惟前光。惟懷永圖。視乃列祖。無時豫怠。嗣王其監于茲。新服厥命。惟新厥德。爲人上者。一乃心力。其克有勳。勃天之命。惟時惟幾。亦罔不能。厥初惟其終。然其始無教逸欲。而年有不永。何以克終。厥德紹復先王之業。從己之欲。有能有爲。如弗克于厥初。亦罔終。然其始無敢康好。而成弗屢省。何以克終。允德其建無窮之基。然則德之日新。其必終始惟一乎。德裕乃身。不敢自暇自書。經集句文稿。續編選本下卷。五。

逸。慎修思。示終始典于學。學古有獲。夙夜罔或不勤。兢兢業業。罔不在初。庸庸。祇祇。圖惟厥終。節性惟日。其邁一心。永肩百度。惟貞道。積于厥躬。德敷天下。勿用非謀。非彝。政貴有恒。終始慎厥與。與治同道。朝夕無敢逸豫。念茲在茲。克慎厥始。釋茲在茲。克成厥終。爲善惟日不足。一人元良。萬邦以貞。昭明于天下。夫彰厥有常。天佑一德。而作僞日拙。作德日休。必不容以天休。滋至。或至荒怠。弗敬慎。終于始。所以明上帝可畏也。誠使思日贊贊。交修不逮。而克勤乃事。罔不由慰日勩。昭升于上。其命永新矣。抑從厥攸好。民歸一德。而三德日宣。六德日敬。必不容以民事無輕。或至時敏不務。慎初惟終所。

以乎九有之師也。誠使惟日孜孜，不克遠省，而能思曰：睿早已言艱日思，敷聞在下，咸與惟新矣。惟一惟精，泯二三其德之志，無荒無怠，深日月逾邁之思，王爲四方新辟，其念之哉。樹義獨見其大選言必極其精，制藝至此斯爲彈丸脫手。

書經集句文稿

續編選本下卷

三

惟天聰明惟聖時憲惟臣欽若惟民從乂

戴槃

法天而臣民受治。聖人奉若之要也。蓋聖與天合德。而爲臣民所則效者也。知憲天之爲急務。惟臣惟民有不欽若從乂乎。且天子惟君萬邦。上承天休。惟茲臣庶咸聽一人之作猷。惟天畀純。故命有德而討有罪。惟辟奉天。故皇降衷。而后綴猷懋哉懋哉。昭升于上。敷聞在上下。咸若天工人其代之。聖王何以奉若天道哉。誠以王者爲上天所孚佑。而作則于小大之臣。四方之民者也。我聞在昔。后克聖天錫勇智。天降之祥。用時無怠。無荒時亮。天功是訓。是行。面稽天若。惟情惟書。經集句文稿。續編選本下卷。无。

一克享天心。天求民主。爲人上者。克典神天。不亦可見其敬事上帝乎。然而統百官。臨兆民。惟天生聰明時乂。聰作謀。明作哲。罔弗若天。聖人曰。此非克有常憲。允罔功。且夫人惟萬物之靈。亶聰明作元后。欽若昊天。豈必有成憲之可監哉。視遠惟明。視自天視焉。聽德惟聰。聽自天聽焉。明四目。達四聰。厥后自聖。慎乃憲。我不敢知曰。爲天下君。自作聰明。我亦不敢知曰。爲天下主。自民聰明。天有顯道。彰厥有常。聰明齊聖。同底于道。永圖惟懷。不獨垂憲。乃後也。惟德是輔。不獨彝憲。永弼也。允迪茲。諸臣百工。充耳目之官。凡厥庶民。罔不同心。自三公經邦。六卿分職。以及庶士御事。欽乃攸司。用奉恤厥。

若○臣○人○咸○若○時○惟○良○顯○哉○無○有○作○威○作○福○式○克○欽○承○勿○用○非
謀○非○彝○疇○不○祇○若○一○人○元○良○百○官○修○輔○欽○厥○止○而○若○元○德○威
愼○乃○有○位○而○思○天○位○之○艱○自○百○姓○昭○明○萬○姓○悅○服○以○及○匹○夫
匹○婦○從○欲○以○治○其○自○時○中○又○民○訖○自○若○是○職○有○利○哉○惟○動○不
應○侯○志○罔○不○率○從○黎○民○於○變○時○雍○亦○克○用○又○穆○穆○在○上○明
在○下○從○所○欲○而○又○用○德○威○對○揚○光○命○而○知○天○命○不○易○當○是○時
也○師○師○百○僚○惟○恭○奉○幣○用○能○祈○天○永○命○濟○濟○有○衆○懷○于○有○仁
罔○不○配○天○其○澤○皇○建○有○極○無○黨○無○偏○后○懋○乃○德○是○彝○是○訓○君
子○在○位○克○左○右○昭○事○厥○辟○小○人○在○野○咸○奔○走○用○附○大○邑○敢○拜
手○稽○首○曰○敬○告○天○子○王○矣○聖○有○謨○訓○欽○崇○天○道○子○子○孫○孫○無

書經集句文稿

續編選本下卷

三

替厥服億萬年敬天之休

前路扼聖字走兩頭難得其聯絡之巧串合之工梳下二
句亦不肯放鬆一字用古入化但見滿紙雲煙

建官惟賢位事惟能

戴槃

用人各得其宜。官事有備矣。夫賢者在位。能者在職。承之庸之。官事無攝。臣人咸若。時惟良顯哉。曰稽古唐虞。建官惟百。內有百揆。四岳外有州牧。侯伯百僚。師師各恭爾事。亦則以穆穆在乃位。嘉言罔攸伏。野無遺賢。臣克艱厥臣。莫與爭能。在後之人。推賢讓能。其監于茲。豈獨列爵惟五分。土惟三哉。我周撫有萬邦。設官分職。掌邦教。掌邦政。掌邦土。有司徒。司馬。司空。各率其屬。上至太師。太傅。少師。少傅。論道經邦。寅亮天地。而三公三孤。不惟其官。我周寵綏四方。蒞事惟煩。宅乃事。宅乃牧。宅乃準。有常伯。常任。準人。亮采有邦。下逮攜僕。百

書經集句文稿

續編選本下卷

三

司表臣百司。攸伏奔走。謀猷率從而庶。言庶獄惟慎。厥事欽哉。欽哉。無曠庶官。亦惟丕建。是崇是長。是信是使。是以爲大夫。卿士咸曰。所寶惟賢。擇吉人列于庶位。非賢不又求。僕人服在大僚。任賢勿貳。建其基。作股肱。惟人無以利口。亂厥官。懋哉懋哉。無斃康事。各齊乃位。汝翼汝爲。汝明汝聽。又惟迪諸臣百工。僉曰。惟爾之能有能。有爲。期圖任以其政。多能多藝。分猷念以相從。正厥位。充耳目之官。爾惟克勤。夫乃事。自靖自獻。惟賢非后。不食有猷。有守。其能稽謀。自天。慎簡乃僚。無以巧言令色。其惟吉士。有官君子。執事之人。咸勸相我國。家用三有宅。惟其賢。用三有俊。惟其能。人之彥。聖其心好之。

人之有技若己有之迪簡在王庭胥克用勸降霍叔于庶人而官不及私惟周公正百工而事無爽侮所以小大之臣咸懷忠良侍御僕從罔非正人以旦夕承弼厥辟無廢厥職敬爾官欽乃攸司克慎厥猷惟御事厥斐有恭佑我有周越在尹氏庶士往盡乃心稽古象賢不矜其能罔不顯在厥世康乃心懋賞懋官嘉乃績有正有事旁求俊彥同于厥邦旁招俊乂同于厥政黎獻惟帝臣敢不敬應迪彝教惟汝賢亦惟有若號叔有若閔天用常人舉其能不可不監有夏不監有殷是以爽邦由哲有臣十人同力度德有臣三千克左右綏定厥家百官修輔庶事其康一人元良用昭明于天下垂拱

書經集句文稿

續編選本下卷

三

而治

書味淵醲寶光翕施五雀六燕恰稱衡平

列三德於次六。又民者善所用也。甚矣範之善言德也。於次六三德之用。而明之曰。又其治民。今休乎。嘗思德二三動罔不凶。此言爲人上者。惟精惟一。允執厥中。不可二三其德也。然不可至于三者。德裕乃身。而不妨分惟三者。德洽于民。式敷民德。永肩一心。其自時中。又天錫九疇。皇極旣建。用矣夫。下民降衷。若有恒性。從厥攸好。因物有遷。惟君惟長。往用敬治。亦惟曰德明惟明。爲天下君。祇台德先。而濟濟有衆。咸有一德。在上者撫九有之師。弗克庸德。厥命罔顯于民。爲天下主。位在德元。而生生自庸。罔不同德。在上者作萬夫之長。不

書經集句文稿

續編選本下卷

三

訓于德。時人不則有愆。然則王敬作所。不可不敬德也。誕作民主。惟德用。其乃有濟。無依勢。無倚法。不敢動用。非德德惟一。乃其又民。民歸于德。在一人。惟聽用德。胥保惠。胥教誨。亦旣勤用民德。德惟治用。康又民。民敏于德。惟一人。克堪用德。蓋範之次六。曰又用三德。云吉士彰厥有常。載采采。行有九德。然告爾多士。九德率乃攸行。而律乃有民。三德其惟克用。往盡乃心。允德協于下。茲乃俾又羣辟亮采。有邦思贊。贊祇敬六德。然命總朕師。六德惟時懋敬。而綏爰有衆。三德乃惟刑用克慎。厥猷實德。施于民。亦克用又百工。允釐庶績。熙浚明有家。曰宣三德。然宣乃心。其德克明。而用乃心。厥德允迪。

后克聖而民從。又我不敢知曰。有不若德。一人有慶。兆民賴。惟敬五刑。以成三德。然成厥功德。可以觀。而用厥功德。可以教。后克艱而政乃又。我不敢知曰。弗慎厥德。三宅克用。以俊有德。矧今民罔迪。不適用德。彰善同歸于治。而風動四方。亦言其人有德。三事允治。既正厥德。爾有善。弗敢自蔽。作德日休。其勑懋和。而平章百姓。不徒惟后懋德。彝倫攸敘。民懷其德。惟正是久之。

披卻導竅。巧妙絕倫。其各種陪筆。如生鐵鑄成文章。本天成妙手。偶得之觀。此可見。

是彝是訓于帝其訓

戴槃

卽彝訓以明敷言。可推其原于帝矣。夫民有秉彝人乃訓之。君之訓實帝之訓也。敷言不亦大哉。且爲人上者。文命敷于四海。僉曰茲迪彝教。時乃大訓。不知往敷乃訓。布命于下。陟丕釐上帝之耿命。聖謨洋洋。嘉言孔彰。無非祇承于帝也。皇極旣敷言矣。王者翕受敷施。乃言底可績。罔弗若天。天有顯道。式克欽承。爾有衆無偏。陂無好惡。民德式敷。凡庶民無偏黨。無反側人心。乃敷。豈猶得曰道人以木鐸徇于路乎。是率父于民。棊彝也。是厥若彝而式時猷訓也。慎徽五典。勿用非彝。而思彝憲于乃后有要。有倫。咸曰王言之大由是明。乃訓。

書經集句文稽

續編選本下卷

三

敷聞在下。庸庸顯民。茲率厥典。亦罔不克。敬典不侮。五常無從。匪彝而知彝。倫之攸敘。斯謀斯猷。曰惟我后之德。由是告汝。訓敷于萬方。穆穆在上。茲率厥常。早已彰厥有常。允若茲典。厥義常厥德。聰聽彝訓。明哲作則。實和民則。我聞惟曰。惟皇上帝降衷于下民。若有恒性。克綏厥猷。惟后皇之言。皇之極。皇之極。豈皇之言哉。天與民彝。聖有謨訓。蓋于帝其訓耳。訓于德。威有一德。訓于志。丕從厥志。宅心知訓。惟其克相上。帝陰騰下民之體。帝罔有言。惟王其代言。言同則繹。天心克享。帝用罔不臧。嘉謀嘉猷。不啻出自其口。祇若王之休命。實顧諟天子明命。率訓典。允茲克明。胥訓告。罔改厥度。嗣守大。

訓惟時克配上帝。敷錫庶民之理。王良于言。惟帝其弗言。言足聽聞。天勅有禮。帝事丕靈承。惟精惟一。各設中于乃心。其在聖之聰明。罔不曰天之聰明。穆穆在上。明明在下。人代天工。不敢曰非民。攸訓凡厥庶民。式化厥訓。率乃攸行。名言茲在。茲尚明聽之哉。

親切不膚能使題義題情軒豁呈露非徒以古調新機擅勝場者

書經集句文稱

續編選本下卷

三



恭必先作。所以惇典獻也。夫王不可不恭也。曰作周先。則欽
動王者至矣。不愈見其大惇典獻乎。若曰爲人上者。往敬用
治執事之人。固欲宏其恭也。然御事厥棐。有恭惟皇。建其有
極。王祇厥身。不敢後恭。作肅罔不祇。肅王大惇典。殷獻民亂
爲四方新辟。夫厥后自聖。敬哉有土。亦惟曰克恭明德。其或
不恭。弗率訓典。以側言改厥度。作聰明亂舊章。有其善矜其
能。大弗克恭于上。其或不恭。播棄黎老。弗百姓以從已。乃自
廣以狹人。侮老成狎君子。大弗克恭于下。今王旣大惇典。可
必其奉先思恭也。監于成憲。罔有弗欽。與治同道。無亂先王。
書經集句文稿 續編選本下卷 三

之正刑。僉曰王言作命。今王旣大惇獻。又必其接下思恭也。
舊有位人。簡而無傲。所寶惟賢。其惟吉士。勸國家。僉曰王敬
作所。若稽古帝元。德升聞命。以位溫恭。允塞在上。穆穆厥君。
先敬四方之民。咸聽一人作猷。王今者撫九有之師。惟思祗
承于古帝。在昔殷王。天命自度。不敢荒嚴。恭寅畏思。日夜孜
厥君先勞。光天之下。咸知惟皇作極。王今者爲萬夫之長。不
可不監于有殷。惟我文王。徽柔懿恭。西土惟時。怙冒興我邦。
周祇祇庸庸。艱難先知。聰作謀而睿作聖。王而迪。惟前光自
戒。夫顛越不恭。亦越武王。恭天成命。東征綏厥士女。歸于宗
周。兢兢業業。朕志先定。作之君兼作之師。王而克紹先烈。罔

不曰惟進之恭。吉士行有九德。愿而恭。而王也能亂四方。欽明者足使百官承式。恭默思道。道積于厥躬。恭承民命。命承于新邑。德日敬。克自抑畏。而明哲作則。其建成周之基。洪範敬用五事。貌曰恭。而王也。作民明辟。懋敬者誠足爲天下君。允恭克讓。惟明克允。協恭和衷。下民祇協。禮制心亂于威儀。而祇台德先。俾我有周無斁。欽哉。欽哉。一人有績。萬邦作式。其作周匹休。

應規合矩氣靜神恬

書經集句文稿

續編選本下卷

亥

文王卑服卽康功田功

戴樂

衣服取諸惡。民事無敢輕矣。夫文所卑者己之服。而所不卑者民之事也。爲康爲田。各盡其功。不可見文之無逸哉。且我周自后稷播時百穀。率作興事。安百姓。粒烝民。告厥成功。惟我文王。紹聞衣德。言克儉于家。克勤于邦。圖功攸終。鞠人謀人之保。居文王所其無逸。夫豈無衣裳在笥。思自亂于威儀哉。我聞在昔。觀古人之象。日月星辰。山龍華蟲。作繪宗彝藻火。粉米黼黻。絺繡以五采彰施于五色。作服是以天命有德。五服五章。矧文王克慎明德。功加于時。斯卽服美于人。豈同驕淫矜夸哉。然而文王必自卑也。相古有夏。告厥成功。九州

書經集句文稿

續編選本下卷

堯

攸。同。底。貢。厥。名。厥。筐。織。貝。惟。服。飾。至。于。文。非。無。元。纁。璣。組。而。慎。乃。服。命。若。惟。恐。怙。侈。滅。義。省。厥。躬。不。敢。動。用。願。等。島。夷。之。卉。服。在。後。嗣。王。勘。定。厥。功。四。方。之。民。畢。獻。方。物。厥。篚。元。黃。惟。服。用。在。文。王。非。無。縷。絲。織。文。而。相。被。冕。服。早。戒。夫。奢。麗。敝。化。守。爾。典。無。卽。怕。淫。不。爲。商。王。之。侈。服。允。若。茲。慎。乃。儉。德。惟。懷。永。圖。不。亦。見。其。功。崇。惟。志。乎。予。永。念。曰。不。作。無。益。害。有。益。功。乃。成。不。貴。異。物。賤。用。物。民。乃。足。其。惟。爾。衆。有。康。食。服。田。畝。各。迪。有。功。文。惟。時。其。卽。之。慎。固。封。守。以。康。四。海。道。洽。政。治。永。康。兆。民。籠。綏。四。方。疇。敢。自。暇。自。逸。我。文。王。顯。于。西。土。克。寬。克。仁。且。及。攸。徂。之。民。而。邇。人。有。不。胥。安。乎。王。曰。予。臨。兆。民。懼。殲。危。

懼一夫不獲時子之辜何以敬用治惟其康乂何以保厥居
惟喜康共厥邦厥民惟時敘明作有功敢遽云家用康庶事
康哉黍稷純藝永力爾田稼穡艱難尙畋爾田克終朕畋曷
敢惟逸惟頗我文王無侮老成引恬引養至于海隅蒼生而
下民有不資澤乎王曰予受嘉師生生自庸黎民阻飢無不
我責何以稽田敷蓄而修畎何以服田力穡而有秋有幹有
年于茲土不忘大功又何論田上上田下下哉此文王所以
罔遊于逸也

局度從容詞旨勻稱是謂卷軸在胸智珠在手

敬爾有官亂爾有政以佑乃辟永康兆民

戴槃

官與政各盡其責。可輔君以安民矣。夫設官所以掌政而謀政。乃能居官也。曰敬。曰亂。惟期佑乃辟以康民耳。若曰朕今者奄有四海。爲天下君。念我古先后建官。惟賢立政。任人其基。作民明辟。能保惠于庶民。亦惟監于成憲。以祗厥敘焉。然與成厥功。實賴有位之士。汝齊乃位。恭爾事。爲上爲德。爲下爲民。庶幾嘉績多于先王。子一人攸受。休畢三事。大夫尙明聽之哉。我聞惟曰古之人。俊又在官。分猷相從。設中于心。亦罔不克敬典。欽乃攸司。不敢自暇自逸。往敬用治。庶官所以

書經集句文稿

續編選本下卷

望

無曠也。懋敬厥德。百官所以修輔也。爾卿士尙監茲哉。慎乃位。修其可願。無瘵厥官。明乃訓。茲率厥常。無亂厥官。有猷有爲。敬用五事。永炳乃后。綏爰有衆。惟御事。厥棐有恭。我聞亦惟曰古之人。圖惟厥政。發號施令。罔有不臧。其能而亂四方。克成厥勳。罔弗無荒無怠。亂越我家。政治所以道洽也。亂我造邦。政事所以惟醇也。爾卿士其念之哉。慎厥終。惟其始。政賈有恒。無作聰以亂章。政惟由舊。惟一惟和。亂同四輔。穆穆在上。明明在下。克俾予從。欲以治稽古。唐虞百工允釐。庶績咸熙。相古夏殷。三宅克用。庶績其凝。今爾才能任官。施于有政。不亦克紹先烈乎。然予爲四方新辟。綏厥兆民。有後言焉。

后非民罔以辟四方。民非后罔克胥匡以生。今朕撫九有之師。早知政在養民。然引養引恬。一人不能有績。爾其旦夕承弼厥辟。佑我有周。爽惟民迪吉。康乎稼穡艱難。則知小人之依。衣裳在笥。永底烝民之生。兆民允殖。惟喜康共矣。念敬我衆。永敬大恤。在今爾安百姓。昭乃辟之有义。亦惟純佑。惟其人。不惟其官。后非民罔使。民非后罔事。今朕作萬夫之長。久思奠麗陳教。然是彝是訓。一人不能作猷。爾其左右昭事。厥辟數佑四方。俾我民其康。义乎人紀肇修。五品不可不遜。民刑用勸。三德期于克成。兆民永懷。無不康好矣。予有亂臣。惟以亂民用威。和夫萬姓。暨乃僚以匡辟。惟其孚佑。可觀德亦書經集句文稿續編選本下卷 聖

可觀政萬邦。作义俾我有周。無斃予一人。膺受多福。其爾之休終有辭于永世。

精神團結支對勻圓入後抱上二句立論亦不打成兩楸

